

中國文學精華

注 音

文 黎 昌 韓

曾 滌 生 選 本

下 冊

民國廿五年十二月發行  
民國三十年一月三版

中國文學精華  
音注韓昌黎文 (全二册)

◎ 實價國幣九角

(郵運匯費另加)



輯注者 中華書局

發行者 中華書局有限公司  
代表人 路錫三

印刷者 美商永寧有限公司  
上海澳門路

總發行處 昆明 中華書局發行所

分發行處 各埠 中華書局

(一〇九四五)

注音  
韓昌黎文 卷一

曾滌生先生選本

曹成王碑

王姓李氏，諱臯，字子蘭。諡曰成。其先王明，以太宗子，國曹。絕復封。傳五王，至成王。成王嗣封，在玄宗世。蓋於時年十七八。紹爵三年，而河南北兵作，天下震擾。王奉母太妃，逃禍民伍，得閒走蜀。從天子，天子念之，自都水使者，拜左領軍衛將軍，轉貳國子祕書。王生十年而失先王，哭泣哀悲，弔客不忍聞，喪除。痛刮磨豪習，委己於學，稍長，重知人情，急世之要，恥一不通。侍太妃，從天子於蜀。既孝既忠，持官持身，內外斬斬，由是朝廷滋欲試之於民。上元元年，除溫州長史，行刺史事。江東新剗粘音於兵，郡旱饑，民交走，死無弔。王及州，不解衣，下令培普后切鎖擴門，悉棄倉實與民，活數十萬人。奏報，升秩少府。與平袁賊，仍徙祕書，兼州別駕，部告無事，遷真於衡，法成令修，治出張施，聲生勢長，觀察使噎媚冒音不能出氣，誣以過犯，御

史助之，貶潮州刺史。楊炎起道州，相德宗，還王於衡，以直前謾。王之遭誣在理，念

太妃老，將驚而戚，出則囚服就辯，入則擁笏垂魚，坦坦施施，卽貶於潮，以遷入賀。

及是，然後跪謝告實。初，觀察使盧使將國良往戍界，良以武岡畔，戍衆萬人，斂兵

荆黔洪桂，伐之二年，尤張，於是以王帥湖南，將五萬士，以討良爲事。王至，則屏兵，

投良以書，中其忌諱，良羞畏乞降。狐鼠進退，王卽假爲使者，從一騎，蹕音五百里，

抵良壁，鞭其門大呼我曹王來受良降，良今安在？良不得已，錯愕迎拜，盡降其軍。

太妃薨，王棄部，隨喪之河南葬，及荆，被詔責還，會梁崇義反，王遂不敢辭以還，升

秩散騎常侍。明年，李希烈反，遷御史大夫，授節帥江西，以討希烈。命至，王出止外

舍，禁無以家事關我，哀兵，大選江州，羣能著職，王親教之，擗力勾卒羸越之法，曹

誅五畀，艦步二萬人，以與賊還；迂同噉楚快切鋒蔡山，踣同之，剗鳥丸切斬音其黃梅，大

鞣柔音長平，鏖音廣濟，掀音斬春，撤片入聲斬水，掇黃岡，筴音漢陽，行跣音漢音川，還

大膊音斬水界中，披安三縣，拔其州，斬僞刺史，標光之北山，躡音隨光化，拮音川，還

古切

其州十抽一推，救兵州東北屬鄉，還開軍受降。大小之戰三十有二，取五州十九縣，民老幼婦女不驚，市買不變，田之果穀下無一跡。加銀青光祿大夫工部尙書，改戶部，再換節臨荆及襄，眞食三百。王之在兵，天子西巡於梁，希烈北取汴鄭，東略宋圍陳，西取汝，薄東都，王坐南方，北向落其角距，賊死咋音不能入寸尺，亡將卒十萬，盡輸其南州。王始政於溫，終政於襄，恆平物估，賤斂貴出，民用有經，一吏軌民，使令家聽戶視，姦宄音無所宿，府中不聞急步疾呼，治民用兵，各有條次，世傳爲法，任馬鬣將慎將鏐將潛偕盡其力能。薨贈右僕射。元和初，以子道古在朝，更贈太子太師。道古進士司門郎刺利隨唐睦，徵爲少宗正，兼御史中丞，以節督黔中，朝京師，改命觀察鄂岳蘄沔美辨切安黃，提其師以伐蔡，且行，泣曰：先王討蔡，實取沔蘄安黃，寄惠未亡，今余亦受命有事於蔡，而四州適在吾封，庶其有集。先王薨於今二十五年，吾昆弟在，而墓碑不刻，無文，其實有待，子無用辭。乃序而詩之。辭曰：

太支十三。曹於弟季。或亡或微。曹始就事。曹之祖王。畏塞絕遷。零王黎公。不聞僅存。子父易封。三王守名。延延百載。以有成王。成王之作。一自其躬。文被明章。武薦峻功。蘇枯弱彊。齷音悉其姦猖。以報於宗。以昭於王。王亦有子。處王之所。惟舊之視。蹶姑衛切蹶陞陞。實取實似。刻詩其碑。爲示無止。

【傳五王】高宗永隆時。明坐與太子賢通謀。降封零陵王。徙黔州。都督謝祐逼殺之。三子俊傑備。俊嗣王。旋俊傑并遇害。中宗神龍時。

以僕子胤嗣。後備自南還。詔以備易胤。胤卒。玄宗時。復封胤。胤卒。子戢嗣。戢卒。子阜嗣。【河南北兵作】安祿山之亂。【太妃】

鄭氏【去蜀從天子】時玄宗幸蜀。【都水使者】秦漢設都水長。都水丞。主陂池水利。漢武改此名。【先王】戰於開元

二十一年卒。【上元】順宗年號。【溫州】治今浙江永嘉縣。【掇】擊也。【袁賊】寶應元年。袁晁反。【衡】衡州。

治今湖南衡陽縣。【觀察使】婿也。【潮州】治今廣東潮安縣。【楊炎】字

公南。鳳翔天興人。【道州】治今湖南道縣。【施施】行之舒也。【國良】姓王。湖南牙將。辛京果以其家富。使戍武岡。而以死罪

加之。國良懼。遂反。【武岡】今湖南武岡縣。【荆黔洪桂】唐荆州治今湖北江陵縣。領縣八。黔州治今四川彭水縣。領縣六。洪

州治今江西南昌縣。領縣七。桂州治今廣西桂林縣。領縣十一。【狐鼠】狐性多疑。鼠性畏怯。【蹕】走也。【梁崇義】京兆長

安人。德宗建中二年。詔加崇義同平章事。遣御史張著。賚手詔徵之。至襄陽。崇義懼。陳兵而見。不受詔。上命李希烈督諸道兵討之。

李希烈【蕪州遼西人。建中三年反。以皇爲江西觀察使。兼御史大夫。【大選江州】江州本作洪州。皇至洪州。悉其將佐。簡閱

其才。【搏力句】按（新唐書）搏作團，搏力，秦兵法。贏，秦姓。勾卒，越兵法。（左哀）越子伐吳，吳子禦之，登澤，夾水而陣，越子爲左右勾卒。（杜注）勾卒，勾伍相著，別爲左右也。【曹誅句】敗則誅及其曹，獲則分界其位。【還】遇也。【嚼鋒】一舉盡食之意。（路

史）漢武帝好大而喜功，使者張騫乃反誇以西域之富，於是噉兵以爭之。

【蔡山】在黃梅縣西南。【剗】割也。【蕲之黃

梅】蕲州領蕲春、黃梅、廣濟、蕲水、四縣。

【鞣】與也，熟皮曰鞣，此作降服解。

【長平】故城在今河南西華縣東南。

【鏐】斬伐

也。【廣濟】今湖北廣濟縣。

【掀】舉也。

【蕲春】今湖北蕲春縣。

【撤】擊也。

【蕲水】今湖北蕲水縣。

【撥】指取也。

【黃岡】今湖北黃岡縣。

【筴】舉也。

【漢陽】今湖北漢陽縣。

【跣汊川】跣，蹈也。汊，川也。在今湖北漢陽縣。

【大膊

膊，膊也。（左成）殺而膊諸城上。

【安三縣】安州之三縣，唐安州治今湖北安陸縣，領安陸、雲夢、孝昌、鹿城、吉陽、應山六縣。

【僞

刺史】謂王嘉祥。

【標】旗也。

【光之北山】唐光州治今河南潢川縣，領定城、光山、仙居、殷城、固始五縣。北山，疑光山之誤。即汝

陽道光山縣是。

【稽】食也。

【隨光化】並今湖北隨縣地。唐隨州治此，領隨、光化、棗陽、唐城四縣。

【搯】同攪，手動也。【十

抽一推】陳后山謂唐令民二十成丁爲推，此言十推而抽其一爲兵。

【五州】隴、黃、安、河、隨。

【十九縣】隴四縣，安六縣，廣三

縣，隨四縣，河三縣。

【再換節句】貞元元年，皇爲荆南節度使，三年爲襄州刺史，由南東道節度使。

【眞食三百】官實在曰

眞。早遷荆南節度使，賜實戶三百戶。

【梁】唐梁州，治今陝西南鄭縣。興元二年，車駕幸梁州。

【汴】唐汴州，治今河南開封縣。建

中四年，李希烈陷汴州。

【鄭】唐鄭州，治今河南鄭縣。

【宋】唐宋州，治今河南商邱縣。

【陳】唐陳州，治今河南淮陽縣。

【汝

唐汝州，治今河南臨汝縣。

【咋】大聲。

【馬葬】扶風人，時掌幕府。

【將慎】姓伊，字寤悔，兗州人。

【將鏐】姓王，字昆吾，

太原人。

【將潛】即李伯潛。

【元和】憲宗年號。

【利隨唐睦】唐利州，治今四川廣元縣。隨州見上。唐州，治今河南沁源縣。

隴州，治今浙江建德縣。道古歷爲四川刺史。【黔中】黔州亦曰黔中郡，治彭水，唐以爲都督府，督思辰施播等州，兼領羈縻數十州。

【鄂岳蕪沔安黃】唐鄂州，治今湖北武昌縣。岳州，治今湖南岳陽縣。蕪州，治今湖北蕪春縣。沔州，治今湖北漢陽縣。安州，見前。

黃州，治今湖北黃岡縣。元和十一年，道古爲六州都團練觀察使。【伐蔡】蔡州，治今河南汝陽縣，時討吳元濟。【吾昆弟】

三子，象古、復古、道古。【太支十三二句】太宗子十四人，高宗、恆山王承乾、楚王寬、吳王恪、濮王泰、庶人祐、蜀王愔、越王

貞、紀王慎、江王瑛，代王簡、道王福、曹王明。【或亡或微】寬、簡，俱早卒。承乾、泰，皆廢黜。恪、祐，誅死。貞討武氏遇害。【岑王黎

公】零陵王俊，黎國公傑，並爲武后所殺。【子父易封】指胤與備。【三王】備、胤、晟。【齷齪陸陸】子孫盛

大，如歷階階而上。

### 貞曜先生墓誌銘

唐元和九年，歲在甲午，八月己亥，貞曜先生孟氏卒。無子。其配鄭氏以告，愈

走位哭，且召張籍會哭。明日，使以錢如東都，供葬事。諸嘗與往來者，咸來哭弔。韓

氏，遂以書告興元尹，故相餘慶。閏月，樊宗師使來弔，告葬期，徵銘。愈哭曰：嗚呼！吾

尚忍銘吾友也！夫興元人以幣如孟氏，賻且來商家事。樊子使來速銘，曰：「不則

無以掩諸幽。」乃序而銘之。先生諱郊，字東野，父廷玢，彬音娶裴氏女，而選爲崑山



尉，生先生及二季鄴而卒。先生生六七年，端序則見，長而愈，漸而揉之，內外完好，色夷氣清，可畏而親。及其爲詩，劇固衛切目鉞音衛心，刃迎縷解，鈎章棘句，搯音擢音腎，神施鬼設，聞見層出。惟其大翫於詞，而與世抹掇，人皆劫劫，我獨有餘。有以後時聞先生者，曰：「吾旣擠而與之矣，其猶足存耶。」年幾五十，始以尊夫人之命，來集京師，從進士試，旣得卽去。間四年，又命來，選爲溧陽尉，迎侍溧。去尉二年，而故相鄭公尹河南，奏爲水陸轉運從事，試協律郎，親拜其母於門內。母卒五年，而鄭公以節領興元軍，奏爲其軍參謀，試大理評事，挈其妻行之。興元，次於閬音鄉，暴疾卒，年六十四。買棺以斂，以二人輿歸。鄴皆在江南。十月庚申，樊子合凡贈賻而葬之洛陽東，其先人墓左。以餘財附其家而供祀。將葬，張籍曰：「先生揭德振華，於古有光，賢者故事有易名，況士哉。如曰貞曜先生，則姓名字行有載，不待講說而明。」皆曰然。遂用之。初先生所與俱學同姓簡，於世次爲叔父，由給事中觀察浙東，曰：「生吾不能舉，死吾知恤其家。」銘曰：

嗚呼！貞曜維執不猗。同維出不訾。維卒不施。以昌其詩。

【張籍】見與孟尚書注。

【興元】唐府治今陝西南鄭縣。

【餘慶】姓鄭，字居業，鄭州滎陽人。元和九年三月爲興元尹。

【樊

宗師句】時自太子舍人持母喪在東都。

【崑山】今江蘇崑山縣。

【剡】剡也。

【鉞】長針也，此作刺字解。

【搯】取出也。

【抹撥】掃滅也。

【劫劫】猶汲汲也。

【有以後時三句】似指立名言，擠而與之，即應上抹撥句。

【溧陽】今江蘇溧

陽縣。

【鄭公尹河南】

元和元年十一月，鄭餘慶爲河南尹，水陸轉運使，李翱分司洛中，與郊善薦之餘慶，以爲判官。

【闕鄉

今河南闕鄉縣。

【簡】字幾道。元和九年九月，自給事中爲浙東觀察使。

【不猗】不依傍也。

【不訾】不自輕也。

## 南陽樊紹述墓誌銘

紹述河中人。

樊紹述既卒且葬，愈將銘之，從其家求書，得書號魁紀公者三十卷，曰樊子者又三十卷，春秋集傳十五卷，表牋狀策書序傳記紀誌說論今文讚銘，凡二百九十一篇，道路所遇及器物門里雜銘，二百二十，賦十，詩七百一十九。曰：多矣哉，古未嘗有也；然而必出於己，不襲蹈前人一言一句，又何其難也！必出入仁義，其富若生蓄，萬物必具，海含地負，放恣橫從，同無所統紀，然而不煩於繩削而自合。

也。嗚呼！紹述於斯術，其可謂至於斯極者矣！生而其家貴富，長而不有其藏一錢，妻子告不足，顧且笑曰：「我道蓋是也。」皆應曰：「然。」無不意滿。嘗以金部郎中告哀南方，還言某帥不治，罷之，以此出爲綿州刺史。一年徵拜左司郎中，又出刺絳州，綿絳之人，至今皆曰：「於我有德。」以爲諫議大夫，命且下，遂病以卒。年若干。紹述諱宗師，父諱澤，嘗帥襄陽江陵，官至右僕射，贈某官。祖某官，諱泳，自祖及紹述三世，皆以軍謀堪將帥，策上第以進。紹述無所不學，於辭於聲，天得也；在衆若無能者，嘗與觀樂，問曰何如？曰後當然，已而果然。銘曰：

惟古於詞必已出，降而不能乃剽。西切妙賊後皆指前公相襲，從漢迄今用一律。寥寥久哉莫覺屬，神祖聖伏道絕塞。既極乃通發紹述，文從字順各識職，有欲求之此其躅。廚王切

【金部郎中】魏始置，唐因之，屬戶部，掌金寶貨物權衡度量等。

【告哀句】憲宗崩，宗師以金部郎中告哀南方。

【綿州】治

今四川綿陽縣。

【絳州】治今山西新絳縣。

【三世策上第】

開元中，泳舉草澤科，建中元年，澤舉賢良方正直言極諫科，元和

三年四月，宗師舉軍謀宏遠堪任將帥科。

### 試大理評事王君墓誌銘

君諱適，姓王氏。好讀書，懷奇負氣，不肯隨人後舉選。見功業有道路可指取，有名節可以戾契致，困於無資地，不能自出，乃以干諸公貴人，借助聲勢。諸公貴人既志得，皆樂熟軟媚耳目者，不喜聞生語。一見輒戒門以絕。上初卽位，以四科募天下士，君笑曰：「此非吾時邪。」卽提所作書，緣道歌吟，趨直言試。既至，對語驚人，不中第。益困。久之，聞金吾李將軍，年少喜事可撼，乃踏門告曰：「天下奇男子王適，願見將軍白事。」一見語合意，往來門下。盧從史既節度昭義軍，張甚。奴視法度士，欲聞無顧忌大語，有以君生平告者，卽遣客鉤致。君曰：「狂子不足以共事。」立謝客。李將軍由是待益厚，奏爲其衛冑曹參軍，充引駕仗判官，盡用其言。將軍遷帥鳳翔，君隨往，改試大理評事，攝監察御史觀察判官，櫛垢爬音痒，民獲蘇醒。居歲餘，如有所不樂，一旦，載妻子入閩鄉南山不顧。中書舍人王涯獨孤

郁吏部郎中張惟素，比部郎中韓愈，日發書問訊，顧不可強起，不卽薦。明年九月疾病，輿醫京師，某月某日卒。年四十四。十一月某日，卽葬京城西南長安縣界中。曾祖爽，洪州武寧令。祖微，右衛騎曹參軍。父嵩，蘇州崑山丞。妻上谷侯氏。處士高女。高固奇士，自方阿衡太師，世莫能用吾言，再試吏，再怒去，發狂投江水。初處士將嫁其女，懲曰：「吾以齟齬窮，一女憐之，必嫁官人，不以與凡子。」君曰：「吾求婦氏久矣，惟此翁可人意，且聞其女賢，不可以失。」卽謾漢官切謂媒媪依句曰：「吾明經及第，且選，卽官人，俟翁女幸嫁，若能令翁許我，請進百金爲媪謝。」諾。許白翁，翁曰：「誠官人耶？」取文書來。君計窮吐實，媪曰：「無苦，翁大人，不疑人欺我，得一卷書，粗若告身者，我袖以往，翁見未必取，視同幸而聽我。」行其謀。翁望見文書銜袖，果信不疑。曰：「足矣。」以女與王氏，生三子，一男二女，男三歲夭死，長女嫁亳州永城尉姚挺。汀上聲其季始十歲。銘曰：

鼎也不可以柱車，馬也不可使守閭。佩玉長裾，不利走趨。祗繫其逢，不繫巧愚。不

諧其須，有銜不祛。鑽石埋辭，以列幽墟。

【辰契】契，本作夔。扯轉曰辰，多節日謂之肆。謂名節可以扯轉枝節而致之也。【上初即位】指憲宗也。【四科】元和元年，

試博通墳典達於教化科，才識兼茂明於體用科，達於吏理可使從政科，軍謀宏遠堪任將帥科。【李將軍】名惟簡，憲宗時爲左金

吾衛大將軍。【遷帥鳳翔】元和六年，惟簡爲鳳翔隴右節度使。【王涯】字廣津，太原人，文宗時相，以李訓鄭注謀誅宦官事，

被殺。【獨孤郁】字古風，洛陽人。【比部】刑部。【武寧】今江西武寧縣。【侯高】字玄覽，上谷人，隱於廬山，自號華陽

居士。漣，奚撫爲楚州刺史，起高攝盱眙令。國子祭酒李遜爲衢州刺史，請高治信安縣。元和五年八月，遜觀察浙東，又以高宰三縣，皆有

德政。後得心疾，留其子狗兒於浙東，從事李翱家，自歸廬山，至江西卒。【柱】支也。【不諧其須】有相須之才，而與時不諧。

【有銜不祛】銜不遇之恨，而不能遣去。

### 給事中清河張君墓誌銘

張君名徹，字某。以進士累官至范陽府監察御史。長慶元年，今牛宰相爲御

史中丞，奏君名迹，中御史選，詔卽以爲御史。其府惜不敢留，遣之，而密奏幽州將

父子繼續不廷選，且久，今新收，臣又始至，孤怯，須強佐乃濟。發半道，有詔以君還

之。仍遷殿中侍御史，加賜朱衣銀魚。至數日，軍亂，怨其府從事，盡殺之，而囚其帥；

且相約張御史長者，無侮辱轢歷音蹙我事，毋庸殺置之帥所。居月餘，聞有中貴人自京師至，君謂其帥，公無負此土人，上使至，可因請見自辨，幸得脫免歸。卽推門求出，守者以告其魁，魁與其徒皆駭曰：「必張御史，張御史忠義，必爲其帥告此餘人，不如遷之別館。」卽與衆出君。君出門，罵衆曰：「汝何敢反！前日吳元濟斬東市，昨日李師道斬於軍中，同惡者，父母妻子皆屠死，肉餒委音狗鼠鴟鴟音鴉鴉音，汝何敢反！汝何敢反！」行且罵。衆畏惡其言，不忍聞，且虞生變，卽擊君以死。君抵死，口不絕罵。衆皆曰：「義士義士。」或收瘞之以俟。事聞，天子壯之，贈給事中。其友侯雲長佐郗使，請於其帥馬僕射，爲之選於軍中，得故與君相知張恭李元實者，使以幣請諸范陽，范陽人義而歸之。以聞，詔所在給船輿，輿同傳歸其家，賜錢物以葬。長慶四年四月某日，其妻子以君之喪，葬於某州某所。君弟復亦進士，佐汴宋得疾，變易喪心，驚惑不常。君得聞，卽自視衣褥薄厚，節時其飲食，而匕比音筯進養之，禁其家無敢高語出聲。醫餌之藥，其物多空青雄黃諸奇怪物，劑錢至十數萬。

營治勤劇，皆自君手，不假之人。家貧，妻子常有飢色。祖某某官，父某某官，妻韓氏，禮部郎中某之孫，汴州開封尉某之女，於余爲叔父孫女，君嘗從予學，選於諸生而嫁與之；孝順祇修，羣女效其所爲。男若干人，曰某，女子曰某。銘曰：

嗚呼！徹也。世慕願以行，子揭揭也。噎暗音音以爲生，子獨割叶韻也。爲彼不清，作玉雪也。仁義以爲兵，用不缺折也。知死不失名，得猛厲也。自申於闇明，莫之奪也。我銘以貞之，不肖者之咀當割切也。

【范陽府】治幽州，其帥張弘靖。

【牛宰相】名僧備，字思黯，鶻顰人。

【軍亂】長慶元年，幽州軍亂，因節度使張弘靖於薊門

館，殺判官韋雍、張宗元、崔仲卿等，以徹長者不殺，置之於薊門館內。

【馬僕射】名總，字會元，扶風人。

【復】元和元年進士。

【空青】產銅鑛中，大塊中空有水者良，治眼疾。

【雄黃】即三硫化砷，其明徹如鷄冠者佳，謂之雄精。

【慕願】羨慕瞻願。

【揭揭】高舉也。

【噎暗】猶守默也。

【割分也，言與人不同也。

【咀】相呵也。

## 贈太尉許國公神道碑銘

韓姬姓，以國氏。其先有自潁川徙陽夏者，其地於今爲陳之太康。太康之韓，



其稱蓋久，然自公始大著。公諱弘，公之父曰海，爲人魁偉沈塞，以武勇游仕許汴之間；寡言自可，不與人交，衆推以爲鉅人長者。官至遊擊將軍，贈太師。娶鄉邑劉氏女，生公，是爲齊國太夫人。夫人之兄曰司徒玄佐，有功建中貞元之間，爲宣武軍帥，有汴宋毫潁四州之地，兵士十萬人。公少依舅氏，讀書習騎射，事親孝謹，同偏自將，不縱爲子弟華靡遨放事，出入敬恭，軍中皆目之。嘗一抵京師，就明經試，退曰：「此不足發名成業。」復去從舅氏學，將兵數百人，悉識其材鄙怯勇，指付必堪其事，司徒歎奇之；士卒屬心，諸老將皆自以爲不及。司徒卒，去爲宋南城將。比六七歲，汴軍連亂不定。貞元十五年，劉逸淮死，軍中皆曰：「此軍司徒所樹，必擇其骨肉爲士卒所慕賴者付之，今見在人莫如韓甥，且其功最大而材又俊。」卽柄授之，而請命於天子；天子以爲然，遂自大理評事拜工部尙書，代逸淮爲宣武軍節度使，悉有其舅司徒之兵與地，衆果大悅便之。當此時，陳許帥曲環死，而吳少誠反，自將圍許，求援於逸淮，徒啗之以陳歸汴，使數輩在館，公悉驅出。

斬之，選卒三千人會諸軍擊少誠許下，少誠失勢以走，河南無事。公曰：「自吾舅  
歿，五亂於汴者，吾苗孽音而髮櫛之幾盡，然不一揃同刈，不足令震駭。」駭同命  
劉鍔以其卒三百人待命於門，數之以數與於亂，自以爲功，并斬之以徇。血流波  
道。自是訖公之朝京師，甘有一年，莫敢有譴切女交叫號於城郭者。李師古詐言  
起事，屯兵於曹，以嚇滑帥，且告假道。公使謂曰：「汝能越吾界而爲盜耶？有以相  
待，無爲空言。」滑帥告急。公使謂曰：「吾在此，公無恐。」或告曰：「剪棘夷道，兵且  
至矣，請備之。」公曰：「兵來不除道也。」不爲應。師古詐窮變索，遷延旋軍。少誠以  
牛皮鞵材遺師古，師古以鹽資少誠。潛過公界，覺，皆留，輸之庫。曰：「此於法不得以  
私相餽。」田弘正之開魏博，李師道使來告曰：「我代與田氏約相保援，今弘正非  
其族，又首變兩河事，亦公之所惡，我將與成德合軍討之，敢告。」公謂其使曰：「  
我不知利害，知奉詔行事耳，若兵北過河，我卽東兵以取曹。」師道懼，不敢動。弘  
正以濟誅吳元濟也，命公都統諸軍，曰：「無自行以遏北寇。」公請使子公武以兵萬

三千人會討蔡下，歸財與糧，以濟諸軍，卒擒蔡姦。於是以公爲侍中，而以公武爲鄆部字音既平，公曰：「吾無事於此，其朝京師。」天子曰：「大臣不可以暑行，其秋之待。」公曰：「君爲仁，臣爲恭，可矣。」遂行。既至，獻馬三千匹，絹五十萬匹，他錦紈綺去倚切纈音又三萬，金銀器千，而汴之庫廢錢以貫數者，尙餘百萬，絹亦合百餘萬匹，馬七千，糧三百萬斛，兵械多至不可數。初公有汴，承五亂之後，掠賞之餘，且斂且給，恆無宿儲。至是公私充塞，至於露積音不垣。冊拜司徒兼中書令，進見上殿，拜跪給扶。贊元經體，不治細微，天子敬之。元和十五年，今天子卽位，公爲冢宰，又除河中節度使；在鎮三年，以疾乞歸。復拜司徒中書令，病不能朝，以長慶二年十二月三日，薨於永崇里第，年五十八；天子爲之罷朝三日，贈太尉，賜布粟，其葬物有司官給之，京兆尹監護。明年七月某日，葬於萬年縣少陵原京城東南三十里，楚國夫人翟氏祔。子男二人：長曰肅元，某官；次曰公武，某官；肅元早死。公之將

薨，公武暴病先卒，公哀傷之，月餘，遂薨。無子，以公武子孫紹宗爲主後。汴之南則蔡，北則鄆，二寇患公居間爲己不利，卑身佞辭，求與公好。薦女請昏，使日月至。旣不可得，則飛謀釣誘，以間染我公。公先事候情，壞其機牙，姦不得發，王誅以成。最功定次，孰與高下。公子公武，與公一時俱授弓鉞，處藩爲將，疆土相望。公武以母憂去鎮，公母弟充，自金吾代將渭北。公以司途中書令治蒲，於時弟充自鄆滑節度平宣武之亂，以司空居汴；自唐以來，莫與爲比。公之爲治，嚴不爲煩，止除害本，不多教條，與人必信。吏得其職，賦入無所漏失；人安樂之，在所以富。公與人有畛域，不爲戲狎，人得一笑語，重於金帛之賜。其罪殺人，不發聲色；問法何如，不自爲輕重；故無敢犯者。銘曰：

在貞元世，汴兵五獮；制音將得其人，衆乃一惕。同其人爲誰，韓姓許公；磔音其梟狼，

養以雨風。桑穀奮張，厥壤大豐。貞元元孫，命正我字；公爲臣宗，處得地所。河流兩

壩，奴亂盜連爲羣；雄唱雌和，首尾一身。公居其間，爲帝督姦；察其嘖呻，與其睨音

陶縣左顧失視右顧而踞蔡先軫鉏三年而墟槁乾四呼終莫敢濡常山幽都孰

陪孰扶天施不留其討不逋許公預焉其賚何如悠悠四方既廣既長無有外事

朝廷之治許公來朝車馬干戈相乎將乎威儀之多將則是已相則三公釋師十

萬歸居廟堂上之宅憂公讓太宰養安蒲坂萬邦絕等有弟有子提兵守藩一時

三侯人莫敢攀生莫與榮歿莫與令刻文此碑以鴻厥慶

【韓姬姓】韓姓出自唐叔虞之後曲沃桓叔之子萬食邑於韓因以為氏【潁川】秦滅韓以其地為潁川郡治陽翟故韓部也

【陽夏】今河南太康縣夏太康避后羿之難居於陽夏漢置陽夏縣隋改太康唐因之屬陳州【許汴】許州治今河南許昌縣汴

州見前【司徒玄佐】劉玄佐滑州匡城人官至司徒【建中貞元】德宗年號【宋亳潁】宋州治今河南商邱縣亳州

治今安徽亳縣潁州治今安徽阜陽縣【備偁】剛直也【宋南城將】宋州南城將也貞元八年二月玄佐卒其子士寧代為

節度使九年十二月軍亂送士寧以副使李萬榮為節度使弘出將南城【汴軍連亂】貞元十二年七月宣武軍亂以帝晉為節

度使十五年春晉卒以行軍司馬陸長源繼之軍亂殺長源以宋州刺史劉逸淮為節度使【劉逸淮】潁州武涉人正臣之子賜

名全諱貞元十五年九月全諱卒弘時以兵馬使為衆所推代為宣武節度使【曲環】陳州安邑人【吳少誠】幽州潞人貞

元十四年反【啗】以利誘人【苗彥楚】語見淮南子如彥者之為苗去秀彥者之為髮去垢【李師古】綱子時德

宗崩告哀使未至義成節度使李元素密以遺詔示師古師古欲乘國喪噬鄰境乃集將士謂曰聖上萬福而元素忽傳遺詔是反也宜

贈太尉許國公神道碑



君諱署，字某，河間人。大父利貞，有名。玄宗世，爲御史中丞，舉彈無所避。由是出爲陳留守，領河南道採訪處置使，數年卒官。皇考諱郇，晉以儒學進，官至侍御史。君方質有氣，形貌魁碩，長於文辭，以進士舉博學宏詞，爲校書郎。自京兆武功尉，拜監察御史，爲幸臣所讒，與同輩韓愈、李方叔三人，俱爲縣令。南方二年，逢恩，俱徙掾。緣去江陵，半載。邕管奏君爲判官，改殿中侍御史，不行。拜京兆府司錄。諸曹白事，不敢平面視，共食公堂，抑首促促就哺。歛呂悅切揖起趨去，無敢闕語。縣令丞尉，畏如嚴京兆，事以辦治。京兆改鳳翔尹，以節鎮京西，請與君俱，改禮部員外郎，爲觀察使判官。帥它他同遷，君不樂久去京師，謝歸。用前能，拜三原令。歲餘，遷尙書刑部員外郎，守法爭議，棘棘不阿。改虔州刺史，民俗相朋黨，不訴殺牛，牛以大耗。又多捕生鳥雀魚鼈，可食與不可食相買賣。時節脫放期爲福祥，君視事，一皆禁督立絕。使通經吏與諸生之旁大郡，學鄉飲酒喪婚禮。張施講說，民吏觀聽，從化大喜。度支符州，折民戶租，歲徵綿六千屯，比郡承命惶怖，立期日，惟恐不及事。

被罪。君獨疏言，治迫嶺下，民不識蠶桑；月餘，免符下，民相扶攜，守州門叫譴爲賀。改澧禮音州刺史；民歲出雜產物與錢，尙書有經數，觀察使牒州徵民錢倍經。君曰：「刺史可爲法，不可貪官害民。」留禮切，不肯從，竟以代罷。觀察使使劇吏案簿書，十日不得毫毛罪。改河南令，而河南尹適君平生所不好者，君年且老，當日拜走仰望階下，不得已就官。數月，大不適，卽以病辭免。公卿欲其一至京師，君以再不得意於守令，恨曰：「義不可更辱，又奚爲於京師間。」竟閉門死；年六十。君娶河東柳氏女，二子昇、奴、胡師，將以某年某月某日葬某所。其兄將作少監昔，請銘於右庶子韓愈。愈前與君爲御史被讒，俱爲縣令南方者也。最爲知君。銘曰：誰之不如，而不公卿。奚養之違，而不久生。惟其頑禮音，頑以世厥聲。

【河間】今河北河間縣。

【玄宗】名隆基，睿宗子。

【陳留】今河南陳留縣。

【幸臣】指李實。

【邕管】邕管經略使路愬

也。唐邕州，治今廣西邕寧縣，管有十縣。

【拜京兆府司錄】貞元二十一年，李鄜爲京兆尹，表署爲府司錄參軍。

【促促】不安

貌。【蘭語】妄語也。

【改鳳翔尹】元和二年，鄜爲鳳翔尹，鳳翔隸右節度使，表署爲列官。

【三原】今陝西三原縣。

【棘



棘【下昔附從之狀】。虔州【治今江西贛縣】。澧州【治今湖南澧縣】。刺史可爲法【言當守法也】。頽頽【自高之貌】。

## 柳子厚墓誌銘

子厚諱宗元。七世祖慶，爲拓跋魏侍中，封濟陰公。曾伯祖爽，爲唐宰相，與褚

遂良、韓瑗怨音俱得罪武后，死高宗朝。皇考諱鎮，以事母棄太常博士，求爲縣令，江

南。其後以不能媚權貴，失御史，權貴人死，乃復拜侍御史，號爲剛直。所與游，皆當

世名人。子厚少精敏，無不通達；逮其父時，雖少年已自成人，能取進士第，嶄切士誠

然見頭角，衆謂柳氏有子矣。其後以博學宏詞，授集賢殿正字。僞傑廉悍，議論證

據今古，出入經史百子；掉音厲風發，率常屈其座人，名聲大振，一時皆慕與之交，

諸公要人爭欲令出我門下，交口薦譽之。貞元十九年，由藍田尉拜監察御史；順

宗卽位，拜禮部員外郎；遇事者得罪，例出爲刺史。未至，又例貶永州司馬。居閒，

益自刻苦，務記覽爲詞章，汎濫停蓄，爲深博無涯涘，而自肆於山水間。元和中，嘗

例召至京師，又借出爲刺史，而子厚得柳州。旣至，歎曰：「是豈不足爲政邪？」因其土俗，爲設教禁，州人順賴。其俗以男女質致音錢，約不時贖，子本相侷，則沒爲奴婢。子厚與設方計，悉令贖歸，其尤貧力不能者，令書爲傭，足相當，則使歸其質。觀察使下其法於他州，比一歲，免而歸者且千人。衡湘以南，爲進士者，皆以子厚爲師。其經承子厚口講指畫，爲文詞者，悉有法度可觀。其召至京師而復爲刺史也，中山劉夢得禹錫亦在遣中，當詣播州，子厚泣曰：「播州非人所居，而夢得親在堂，吾不忍夢得之窮，無辭以白其大人，且萬無母子俱往理。」請於朝，將拜疏，願以柳易播，雖重得罪，死不恨。遇有以夢得事白上者，夢得於是改刺連州。嗚呼！士窮乃見節義。今夫平居里巷相慕悅，酒食遊戲相徵逐，詡詡強笑語，以相取下；握手出肺肝相示，指天日涕泣，誓生死不相背負，真若可信。一旦臨小利害，僅如毛髮比，反眼若不相識，落陷穽不一引手救，反擠之，又下石焉者，皆是也。此宜禽獸夷狄所不忍爲，而其人自視以爲得計，聞子厚之風，亦可以少媿矣。子厚前時少

年，勇於爲人，不自貴重，願藉謂功業可立就，故坐廢退。既退，又無相知有氣力得位者推挽，故卒死於窮裔，材不爲世用，道不行於時也。使子厚在臺省時，自持其身，已能如司馬刺史時，亦自不斥。斥時有人力能舉之，且必復用不窮。然子厚斥不久，窮不極，雖有出於人，其文學辭章，必不能自力以致必傳於後如今無疑也。雖使子厚得所願，爲將相於一時，以彼易此，孰得孰失，必有能辨之者。子厚以元和十四年十一月八日卒，年四十七。以十五年七月十日，歸葬萬年先人墓側。子厚有子男二人，長曰周六，始四歲。季曰周七，子厚卒乃生。女子二人，皆幼。其得歸葬也，費皆出觀察使河東裴君行立。行立有節概，重然諾，與子厚結交，子厚亦爲之盡，竟賴其力。葬子厚於萬年墓者，舅弟盧遵。遵，涿人，性謹慎，學問不厭。自子厚之斥，遵從而家焉，逮其死不去。既往葬子厚，又將經紀其家，庶幾有始終者。銘曰：是惟子厚之室。既固既安，以利其嗣人。

【廖】字更，河東解人。魏文帝時，官侍中。

【拓跋】魏姓，黃帝子昌意少子，受封北土，黃帝以土德，王北，俗謂土爲拓，謂后爲跋，故

氏拓跋。【濟陰】郡名，治今山東定陶縣。

【爽】字子邵，貞觀中，爲吏部尙書，貶愛州刺史。許敬宗等構爽通宮掖，謀行鴆毒，與褚

遂良朋黨，罪大逆，遣使殺之，沒其家。【褚遂良】字登善，錢塘人。貞觀時爲諫議大夫，高宗將欲立武后，力諫叩頭流血，貶愛州刺史，

以憂卒。【韓瑗】字伯玉，京兆三原人，以救遂良，貶振州刺史卒。【武后】名曩，并州文水人，太宗時爲昭儀，高宗立爲后。【高

宗】名治，字爲善，太宗第九子。【鎮】天寶末，遇亂，秦母隱王屋山，常問行，求養，後徙於吳，肅宗平賊，上書言事，擢左衛率府兵曹參

軍，佐郭子儀朔方府，三遷殿中侍御史，以事觸寶參，貶夔州司馬，終侍御史。【嶄然】高峻貌。【踔厲風發】議論府出也。【藍

田】今陝西藍田縣。【順宗】名誦，德宗子。【用事者得罪】初，子厚與王叔文善，叔文得政，引子厚，及叔文敗，同黨皆貶謫。

【永州】永貞元年九月，貶宗元邵州刺史。十一月，道貶永州司馬。【柳州】治今廣西馬平縣，元和十年三月，以宗元爲柳州刺史。

【中山】今河北定縣。【劉夢得】名禹錫，以進士登博學宏詞科，累官至集賢殿學士，出爲蘇州刺史，遷太子賓客，以附王叔

文被貶。【播州】治今貴州遵義縣。【以夢得事白上者】時御史中丞裴度上奏，因改連州。【連州】治今廣東連縣。

【謂謂】和事貌。【易林】勸懲謂謂。【萬年】治今陝西咸寧縣。【河東裴行立】行立，守真曾孫，絳州稷山人，絳州，今山西新

絳縣等地。【涿】州名，治今京兆涿縣。

### 清邊郡王楊燕奇碑

公諱燕奇，字燕奇，弘農華陰人也。大父知古，祁州司倉。列考文誨，天寶中，實

爲平盧衛前兵馬使，位至特進檢校太子賓客，封弘農郡開國伯。世掌諸蕃互市，恩信著明，夷人慕之。祿山之亂，公年幾二十，進言於其父曰：「大人守官，宜不得去。王室在難，某其行矣。」其父爲之請於戎帥，遂帥諸將校之子弟各一人，問道趨闕，變服詭行，日倍百里。天子嘉之，特拜左金吾衛大將軍員外置，賜勳上柱國。寶應二年春，詔從僕射田公平劉展，又從下河北。大歷八年，帥師納戎帥勉於滑州。九年，從朝於京師。建中二年，城汴州，功勞居多。三年，從攻李希烈，先登。貞元二年，從司徒劉公復汴州。十二年，與諸將執以城叛者，歸之於京師。事平，授御史大夫，食實封百戶，贈疾陵綵有加。十四年，年六十一，五月某日終於家。自始命左金吾大將軍，凡十五遷，爲御史大夫。職爲節度押衙，右廂兵馬使，兼馬軍先鋒兵馬使，階爲特進，勳爲上柱國，爵爲清邊郡王，食虛邑自三百戶至三千戶，眞食五百戶，終焉。公結髮從軍四十餘年，敵攻無堅，城守必完，臨危蹈難，歎感發；乘機應會，捷出神怪；不畏義死，不榮幸生；故其事君無疑行，其事上無間言。初，僕

射田公，其母隔於冀州，公獨請往迎之；經營賊城，出入死地，卒致其母。田公德之，約爲父子，故公始姓田氏。田公終而後復其族焉。嗣子通王屬良禎，以其年十月庚寅葬。公於開封縣魯陵岡。隴西郡夫人李氏祔焉。夫人清夷郡太守佑之孫，漁陽郡長史獻之女，柔嘉淑明，先公而歿。有男四人，女三人。後夫人河南郡夫人雍氏，某官之孫，某官之女。有男一人，女二人。咸有至性純行，夫人同仁均養，親族不知異焉。君子於是知楊公之德，又行於家也。銘曰：

烈烈大夫，逢時之虞。感泣辭親，從難於秦。惟茲爰始，遂勤其事。四十餘年，或禪或專。攻牢保危，爵位已躋。祖稭切既明且慎，終老無墮。魯陵之岡，蔡河在側。烝烝孝子，思顯勳績。斲石於此，式垂後嗣。

【弘農華陰】唐華州華陰縣，曾隸虢州，虢州亦曰弘農郡，即今陝西華陰縣。【祁州】治今河北安國縣。【左金吾句】左

金吾衛大將軍正三品，掌宮中京城巡警道路水草之宜，員外額外之員，置者許其置也。【上柱國】勳官之最尊者。【寶應】

肅宗年號，按平展事，在上元二年。【田公】平廬兵馬使田神功。【平劉展】上元元年，宋州刺史劉展赴揚州，進陷揚、潤、昇等

州。二年正月，神功生禽展，揚、潤、平。【大歷】代宗年號。【納戎帥句】大歷八年三月，永平節度使令狐彰卒，遣表稱工部尙書

李勣可委大事，詔以勣代彰爲永平軍節度，滑毫觀察等使。滑州，治今河南滑縣。【建中】德宗年號。【從攻李希烈】建中三

年十二月，李希烈自稱天下部元帥，明年春正月陷汝州，十二月陷滑州。【貞元】見前。【從司徒劉公句】興元元年，李

希烈僭號，十一月宋毫節度使劉洽大破希烈，希烈遁歸蔡州，汴州平。按洽後賜名元佐，滑州匡城人，文作貞元二年誤。【冀州】唐

屬河北道，治信都，故城在今河北冀縣東北。【通王】名譙，德宗之子，貞元中，領宣武及河東節度。【蔡河】在開封城東南，上流

卽汴河。【烝烝】誦也。《書》烝烝乂不格斃。

### 唐故相權公墓碑

上之元和六年，其相曰權公，諱德輿，字載之。其本出自殷帝武丁，武丁之子

降封於權，權，江漢間國也。周衰，入楚爲權氏。楚滅，徙秦，而居天水，略陽。苻秦之王

中國，其臣有安邱公翼者，有大臣之言。後六世，至平涼，公文誕，爲唐上庸太守，荆

州大都督長史，焯有聲烈。平涼曾孫諱倕，贈尚書禮部郎中，以藝學與蘇源

明相善，卒官羽林軍錄事參軍；於公爲王父。郎中生贈太子太保，諱皋，以忠孝致

大名，去官，累以官徵不起；追諡貞孝，是實生公。公在相位三年，其後以吏部尚書

授節鎮山南，年六十以薨，贈尚書左僕射，諡文公。公生三歲，知變四聲，四歲能爲

詩，七歲而貞孝公卒，來弔哭者，見其顏色聲容，皆相謂權氏世有其人。及長好學，孝敬祥順。貞元八年，以前江西府監察御史，徵拜博士，朝士以得人相慶。改左補闕，章奏不絕，譏排姦倖，與陽城爲助。轉起居舍人，遂知制誥。凡撰命詞九年，以類集爲五十卷，天下稱其能。十八年，以中書舍人典貢士，拜尚書禮部侍郎。薦士於公者，其言可信不以其人；布衣不用，卽不可信，雖大官勢人交言，一不以綴音意。奏廣歲所取進士明經，在得人，不以員拘。轉戶兵吏三曹侍郎。太子賓客，復爲兵部遷太常卿，天下愈推爲鉅人長德。時天子以爲宰相宜參用道德人，因拜禮部尚書同中書門下平章事，公旣辭謝，不許。其所設張舉措，必本於寬大，以幾教化，多所助與。維匡調娛，不失其正。中於和節，不爲聲章。因善與賢，不矜主己。以吏部尚書留守東都，諸帥有利病不能自請者，公常與疏陳，不以露布。復拜太常，轉刑部尚書，考定新舊令式，爲三十編，舉可長用。其在山南河南，勤於選付，治以和簡，人以寧便；以疾求還。十三年某月甲子，道薨於洋之白草。奏至，天子痾音傷，爲之



不御朝。郎官致贈錫官，居野處。上下弔哭，皆曰：「善人死矣！」其年某月日葬河南北山，在貞孝東五里。公由陪屬升列，年除歲遷，以至公宰，人皆喜聞，若己與有無忌嫉者。于頔狄音坐子殺人，失位自囚，親戚莫敢過門省顧。朝莫敢言者，公將留守東都，爲上言曰：「頔之罪既贖，世音不竟，宜因賜寬詔。」上曰：「然，公爲吾行諭之。」頔以不憂死，前後考爲進士，及庭所策試士，踵相躡爲宰相達官，與公相先後。其餘布處臺閣，外府，凡百餘人。自始學至疾未病，未嘗一日去書不觀。公旣以能爲文辭，擅聲於朝，多銘卿大夫功德。然其爲家，不視簿書，未嘗問有無，費不僭餘。公娶清河崔氏女，其父造，嘗相德宗，號爲名臣。旣葬，其子監察御史璩渠音纍然服喪來，有請，乃作銘文曰：

權在商周，世無不存。滅楚徙秦，嬴劉之間。甘泉始侯，以及安邱。詆訶浮屠，皇極之扶。貞孝之生，鳳鳥不至。爵位豈多，半塗以稅。壽考豈多，四十而逝。惟其不有，以惠厥後。是生相君，爲朝德首。行世祖之，文世師之。流連六官，出入屏毗。無黨無仇，舉

世莫疵。人所憚爲，公勇爲之。其所競馳，公絕不窺。孰克知之，德將在斯。刻詩墓碑，以永厥垂。

【殷帝武丁】殷高宗也。小乙之子。

【權】國在今湖北鍾祥縣西。

【入楚句】（唐韻）權姓出天水，本顛頊之後，楚武王使

權尹權，後因氏焉。

【天水】郡名，在今甘肅通渭縣西南。

【略陽】郡名，在今甘肅秦安縣東北。

【苻秦】苻堅字永固，晉升平

中，僭號大秦。

【安邱公】翼字子良，略陽人，與太原王澄俱爲苻堅謀主，拜給事中，後爲右僕射，封安邱公，堅伐晉，翼力諫不從。

【平涼公】隋開府儀同三司鄜城郡公榮子，自翼至文，誕凡六世，翼子宣襲事姚秦爲黃門侍郎。

【上庸】故城在今湖北竹山

縣。

【荊州】治今湖北江陵縣。

【僂】成都尉無待子，文誕生同城令崇本，崇本生無待。

夫，肅宗時，終祕書少監。

【臯】字士繇，天寶末，安祿山爲河北按察使，表臯爲從事，察祿山有異志，詐死，奉其母南去。代宗時，徵臯爲

起居舍人，以疾辭，改著作郎，復不起。大歷二年，臯卒於涇州，年四十六，元和中，諡貞孝。

【在相位三年】元和五年九月相，八年五

月罷。【授節鎮山南】元和十一年十月，以德興檢校吏部尙書，充山南西道節度使。十三年八月，以病乞還，卒於道。【四聲】

平上去入。【譏排姦佞】貞元八年，裴延齡以巧倖除，戶部侍郎判度支，德興上疏論其姦。【陽城】見爭臣論題注。【調娛】

借笑樂爲匡正也。

【留守東都】元和八年七月，德興以檢校吏部尙書，爲東都留守。

【考定令式】先是詔許孟容將又

等，刪定格勅成三十卷，表上留中，德興請下刑部，與侍郎劉伯駕代考定，復爲三十卷，十年十月奏請行之。【白草】驛名，今陝西洋

縣。【痾】痛也。

【于頔】字允言，洛陽人。元和七年，頔爲司空同平章事。有梁正言者，自言與樞密使梁守謙同宗，頔使其子敏重

路正言，求出鎮，久之，正言詐漸露，徵索還其賂不得，誘其奴支解之，事覺，頔率其子殿中少監孝友等，素服詣建福門請罪。頔左遷恩王

傅仍絕朝，放流雷州，孝友等皆感官。【侍】具也，亦作待。【瓌】字大圭，德與二子，長瓌，字大玉。【貫】寬其罪也。

【詆訶浮屠】存堅嘗遊東苑，命沙門道安同輩，製諫曰：道安毀形賤士，不宜參禪神奧。【六官】吏戶禮兵刑工。

## 殿中少監馬君墓誌銘

君諱繼祖，司徒贈太師北平莊武王之孫，少府監贈太子少傅諱暢之子，生四歲，以門功拜太子舍人，積三十四年，五轉而至殿中少監，年三十七以卒。有男八人，女二人。始余初冠，應進士貢，在京師，窮不自存，以故人稚弟，拜北平王於馬前；王問而憐之，因得見於安邑里第。王軫其寒饑，賜食與衣，召二子，使爲之主；其季遇我特厚，少府監贈太子少傅者也。姆音茂抱幼子立側，眉眼如畫，髮漆黑，肌肉玉雪可念，殿中君也。當是時，見王於北亭，猶高山深林鉅谷，龍虎變化不測，傑魁人也。退見少傅，翠竹碧梧，鸞鶴停峙，能守其業者也。幼子娟好靜秀，瑤環瑜珥，而蘭茁音札其芽，稱其家兒也。後四五年，吾成進士，去而東遊，哭北平王於客舍。後

十五六年，吾爲尙書都官郎，分司東都，而分府少傅卒，哭之。又十餘年，至今，哭少監焉。嗚呼！吾未耄老，自始至今，未四十年，而哭其祖子孫三世，於人世何如也！人欲久不死，而觀居此世者，何也？

【北平王】名燧，字洵美，德宗時大將，與李晟、渾瑊齊名。

【暢】燧子，長彥，次暢。

【故人句】愈兄弁與北平王有故，平涼之盟，

馬燧與議，弁死難。【軫】悼也。

### 國子監司業竇公墓誌銘

國子司業竇公，諱牟，字某。六代祖敬遠，嘗封西河公。大父同昌司馬。比四代仍襲爵名，同昌諱胤，生皇考諱叔向，官至左拾遺、溧水令，贈工部尙書。尙書於大曆初，名能爲詩文，及公爲文，亦最長於詩。孝謹厚重，舉進士登第，佐六府五公，八遷至檢校虞部郎中。元和五年，眞拜尙書虞部郎中，轉洛陽令、都官郎中、澤州刺史，以至司業，年七十四。長慶二年二月丙寅，以疾卒。其年八月某日，葬河南偃師。

先公尙書之兆次。初公善事繼母，家居未出，學問於江東，尙幼也；名聲詞章，行於京師，人遲其至。及公就進士且試，其輩皆曰：「莫先竇生。」於時公舅袁高爲給事中，方有重名，愛且賢公，然實未嘗以干有司。公一舉成名而東，遇其黨必曰：非我之才，維吾舅之私。其佐昭義軍也，遇其將死，公權代領，以定其危；後將盧從史重公不遺，奏進官職。公視從史益驕不遜，僞疾經年，舉與同歸東都，從史卒敗死；公不以覺微避去爲賢告人。公始佐崔大夫縱，留守東都，後佐留守司徒餘慶，歷六府五公，文武細粗不同，自始及終，於公無所悔望，有彼此言者。六府從事，幾且百人，有愿姦易險賢不肖不同，公一接以和與信，卒莫與公有怨嫌者。其爲郎官令，守慎法，寬惠不刻。教誨於國學也，嚴以有禮，扶善遏過，益明上下之分，以躬先之，恂恂愷悌，得師之道。公一兄三弟，常羣，庠，鞏，常進士，水部員外郎，夔，江，撫，四州刺史；羣以處士徵，自吏部郎中拜御史中丞，出帥黔容，以卒；庠，三佐大府，自奉先令爲登州刺史；鞏亦進士，以御史佐淄青府，皆有材名。公子三人，長曰周餘，好善。

學文，能謹謹致孝，述父之志，曲而不黷。獨音次曰某，曰某，皆以進士貢。女子三人，愈少公十九歲，以童子得見，於今四十年。始以師事公，而終以兄事焉。公待我，以朋友，不以幼壯先後致異，公可謂篤厚文行君子矣。其銘曰：

后緡竇逃閔腹子，夏以再家竇爲氏。聖愕旋河犢引比，相嬰撥漢納孔軌。後去觀津，而家平陵。遙遙厥緒，夫子是承。我敬其人，我懷其德。作詩孔哀，質於幽刻。

【字某】或作字賄周，京兆金城人。

【同昌司馬】敬遠孫善衡，生懷實，懷實生胤，爲同昌郡司馬，皆文襲西河公封。同昌，唐爲山

南道扶州，今甘肅文縣。

【叔向】字道直，與常袞善。

【澤州】治今山西晉城縣。

【偃師】今河南偃師縣。

【兆】瑩域也。【周

禮】掌公墓之地，辨其兆域。

【遲】待也。

【袁高】字公頤，滄州東光人，貞元初爲給事中。

【昭義軍將死】昭義軍節度使

李長榮，卒於貞元二十年六月。

【盧從史】父虔貞元二十年八月，以昭義兵馬使盧從史爲節度使，元和五年，從史爲其都知兵馬

使烏重胤所縛，送京師，貶驩州司馬卒。

【崔縱】貞元二年，以吏部侍郎，崔縱爲東都留守，奏奉爲府巡官。

【餘慶】元和五年，以

河南尹鄭餘慶爲東都留守，奏奉爲府判官。

【歷六府五官】奉初爲東都留守巡官，歷河陽昭義從事，再爲留守判官。

【常】

字中行，大曆進士。

【羣】字丹列，隱居毗陵，貞元十六年，吏部侍郎韋夏卿爲京兆尹，薦羣，徵拜左拾遺。元和二年，武元衡同平章事，

舉羣代己爲御史中丞。三年，貶黔中觀察使。八年遷容管經略使。九年，召還，至衡州卒。

【三佐句】序字曾卿，貞元二十一年，韓皋鎮

武昌，皋摩爲推官，皋移鎮浙西，以序爲副使，又爲宣歙副使。

【奉先】唐縣，屬同州，今陝西蒲城縣。

【登州】治今山東蓬萊縣。

【鞏】字友封，元和二年進士，十四年，薛平爲平盧淄青節度使，表鞏自副，見第五人，皆有才名，列聯珠集。【后緝寶逃】「左哀元

年」昔有過漣滅夏后相，后緝方娠，逃出自竇，歸於有仍。【夏以再家句】后緝生少康，少康生二子，曰杼，曰龍，居有仍，遂爲寶

氏。【聖愕句】史記，孔子將西見趙簡子，至於河，聞寶鳴犢舜華之死，臨河而歎曰：美哉水洋洋乎，丘之不濟此，命也大。【相

嬰】寶太后從兄子嬰相武帝，武帝太后好黃老，而嬰隆推儒術，此謂撥漢家黃老之習，而納之孔子之道也。【觀津】故趙地，在今

河北縣東南。【平陵】一在山東歷城縣東，一在陝西咸陽縣西北。

## 清河郡公房公墓碣銘

公諱啓，字某，河南人。其大王父融，王父瑄，仍父子爲宰相。融相天后，事遠不

大，瑄相玄宗肅宗，處艱難中，與道進退，薨贈太尉，流聲於茲。父乘，仕至祕書少

監，贈太子詹事。公胚鋪灰切胎前光，生長食息，不離典訓之內，日濡音耳染，不學以

能。始爲鳳翔府參軍，尙少；人吏迎觀望見，咸曰：「眞房太尉家子孫也。」不敢弄

以事。轉同州澄城丞，益自飾理，同官憚伏。衛晏使嶺南黜陟，求佐得公，擢摘良姦，

南土大喜。還，進昭應主簿。裴胄領湖南，表公爲佐，拜監察御史，部無遺事。胄遷江

西，又以節鎮江陵；公一隨遷佐冑，累功進至刑部員外郎，賜五品服，副冑使事爲上介。上聞其名，徵拜虔部員外，在省籍籍；遷萬年令，果辯激絕。貞元末，王叔文用事，材公之爲，舉以爲容州經略使，拜御史中丞，服佩視三品，管有嶺外十三州之地。林蠻洞蠻，但守條死要，不相漁劫。稅節賦時，公私有餘，削衣貶食，不立資遺，以班親舊朋友爲義。在容九年，遷領桂州，封清河郡公，食邑三千戶。中人使授命書，應待失禮，客主違言，徵貳太僕，未至，貶虔州長史，而坐使者。以疾卒官。年五十九。其子越，能輯父事無失，謹謹致孝。旣葬，碣墓請銘。銘曰：

房氏二相，厥家以聞。條葉被澤，況公其孫。公初爲吏，亦以門庇。佐使於南，乃始己致。旣辦萬年，命屏容服。功緒卓殊，氓獠循業。維不順隨，失署亡資。非公之怨，銘以著之。

【融】武后時，以正諫大夫，回鳳閣鸞臺平章事，神龍元年，貶死高州。

【瑄】字次律，開元中，由校書郎舉任縣令，歷相玄宗肅宗，乾元

元年，出爲邠州刺史，遷晉送二州刺史。寶應二年，召拜刑部尚書，道卒，贈太尉。

【乘】瑄三子，長宗儼，御史中丞。李藩復容州刺史。乘





員外郎。均鎮襄陽，復以君爲襄府左司馬刑部員外郎，副其支度使事。均卒，李夷

簡代之，因以故職留君。歲餘，拜復州刺史，遷祠部郎中，會衢州無刺史，方選人，君

願行，宰相卽以君應詔。治衢五年，復入爲庫部郎中，行及揚州，遇疾，居月餘，以長

慶元年八月二十四日卒；春秋六十。卽以其年十一月二十二日，從葬於鄭州廣

武原先人之墓次。君天性和樂，居家事人，與待交游，初持一心，未嘗變節。有所緩

急曲直，薄厚疏數也，不爲翁翁熱，亦不爲崖岸斬絕之行。俸祿入門，與其所過逢

吹笙彈箏，飲酒舞歌，誼音灰調醉呼，連日夜不厭，費盡不復顧問。或分挈以去，一無

所愛惜，不爲後日毫髮計留也。遇其空無時，客至清坐相看，或竟日不能設食，客

主各自引退，亦不爲辭謝。與之遊者，自少及老，未嘗見其言色若有憂歎者，豈列

禦寇莊周等所謂近於道者耶？其治官守身，又極謹慎，不挂於過差。去官而人民

思之，身死而親故無所怨議，哭之皆哀，又可尙也。初娶吏部侍郎京兆韋肇女，生

二女一男。長女嫁京兆韋詞，次嫁蘭陵蕭儂，贊上後娶河南少尹趙郡李則女，生

一女二男其餘男二人女四人皆幼嗣子退思韋氏生也銘曰

再鳴以文進途闢佐三府治藹厥蹟郎官郡守愈著白洞然渾璞絕瑕謫甲子一終反玄宅。

【滎陽】今河南滎陽縣。

【元魏】魏初爲拓跋氏至孝文帝改姓元氏。

【襄城公】名偉字子直西魏大統中封襄城郡公按

襄城今河南襄城縣。

【霍邑】治今山西霍縣唐屬河東清晉州。

【九隴】今四川彭縣唐劍南道彭州治此。

【唐年】治今湖

北崇陽縣唐屬江南道鄂州。

【鄂縣】今陝西鄂縣唐屬京兆府。

【鄂岳】見上曹成王碑注。

【裴均】字君齊河東聞喜人貞

元十九年五月自荆南行軍司馬爲本軍節度使。

【江陵】見上清河郡公房公墓碣銘注。

【均之徵也】元和三年四月召均

爲左僕射。

【襄陽】今湖北襄陽縣唐爲襄州山南東道節度使治此元和三年九月均出爲山南東道節度使。

【李夷簡】字易

之鄭惠王元懿四世孫元和六年四月代均鎮襄陽五月均卒。

【復州】治今湖北沔陽縣。

【衢州】治今浙江衢縣。【鄭州】

治今河南鄭縣。

【再鳴以文】謂進士及書判拔萃。

【佐三府治】謂鄂岳江陵襄府。

## 太原王公墓誌銘

公諱仲舒字弘中少孤奉其母居江南遊學有名貞元十年以賢良方正拜左拾遺改右補闕禮部考功吏部三員外郎貶連州司戶參軍改夔州司馬佐江

陵使，改祠部員外郎。復除吏部員外郎，遷職方郎中知制誥。出爲峽州刺史，遷廬州，未至，丁母憂。服闋，改婺州蘇州刺史，徵拜中書舍人。既至，謂人曰：「吾老，不樂與少年治文書，得一道，有地六七郡，爲之三年，貧可富，亂可治，身安功立，無愧於國家可也。」日日語人，丞相聞問語驗，卽除江南西道觀察使，兼御史中丞。至則奏罷權<sub>切古岳</sub>酒錢九千萬，以其利與民，又罷軍吏官債五千萬，悉焚簿文書，又出庫錢二千萬，以丐貧民。遭旱不能供稅者，禁浮屠及老子。爲僧道士，不得於吾界內，因山野立浮屠老子像，以其誑丐漁利，奪編人之產。在官四年，數其蓄積，錢餘於庫，米餘於廩。朝廷選公卿於外，將徵以爲左丞，吏部已用薛尚書代之矣。長慶三年十一月十七日，未命而薨。年六十二。天子爲之罷朝，贈左散騎常侍，遠近相弔，以四年二月某日，葬於河南某縣先塋之側。公之爲拾遺，朝退，天子謂宰相曰：「第幾人非王某耶？」是時公方與陽城更疏論裴延齡詐妄，士大夫重之。爲考功吏部郎也，下莫敢有欺犯之者。非其人，雖與同列，未嘗比數收拾，故遭讒而

貶。在制誥，盡力直友人之屈，不以權臣爲意。又被讒而出。元利初，婺州大旱，人餓死，戶口亡十七八，公居五年，完富如初。按劾羣吏，奏其贓罪，州部清整，加賜金紫。其在蘇州，治稱第一。公所至，輒先求人利害廢置所宜，閉閣草奏，又具爲科條，與人吏約，事備，一旦張下，民無不怵叫喜悅；或初若小煩，旬歲皆稱其便。公所爲文章，無世俗氣。其所樹立，殆不可學。曾祖諱玄暎，晉比部員外郎。祖諱景肅，丹陽太守。考諱政，襄鄧等州防禦使，鄂州採訪使，贈工部尚書。公先妣渤海李氏，贈渤海郡太君。公娶其舅女，有子男七人，初，哲、真、弘、泰、復、洄。初，進士及第，哲、文學俱善，其餘幼也。長女壻劉仁師，高陵令。次女壻李行修，尚書刑部員外郎。銘曰：氣銳而堅，又剛以嚴。哲人之常，愛人盡己。不倦以止，乃吏之方。與其友處，順若婦女。何德之光，墓之有石。我最其迹，萬世之藏。

【連州】治今廣東連縣，貞元十九年，王叔文用事，公自吏部員外郎，責連州司戶。【夔州】治今四川奉節縣。【峽州】治今湖北

宜昌縣。【廬州】治今安徽合肥縣。【婺州】治今浙江金華縣。【編人】謂編入人口冊之人。【薛尚書】名放，河中

寶鼎人，長慶三年，以尚書左丞薛放代仲舒鎮江西。【陽城】見爭臣論題注。【直友人句】友人楊憑，升京兆，御史中丞李夷

簡勸懲，貶臨賀尉，其家親知過門，縮頸不敢視，公獨省問，爲計度論議，直其冤，由是出爲峽州刺史。

### 尙書左僕射右龍武軍統軍劉公墓誌銘

公諱昌裔，字光後。本彭城人。曾大父諱承慶，朔州刺史。大父巨敖，好讀老子

莊周書。爲太原晉陽令，再世官北方，樂其土俗，遂著籍太原之陽曲，曰：「自我爲此邑人可也，何必彭城。」父誦，贈右散騎常侍。公少好學問，始爲兒時，重遲不戲，恆若有所思念，計畫及壯自試，以開吐蕃說于邊將，不售。入三蜀，從道士游，久之。蜀人苦楊琳寇掠，公單船往說，琳感歎，雖不卽降，約其徒不得爲虐。琳降，公常隨琳不去。琳死，脫身亡，沈浮河朔之間。建中中，曲環招起之，爲環檄李納，指摘切刻，納悔恐動心。恆魏皆疑惑氣懈，環封奏其本，德宗稱焉。環之會下濮州，戰白塔，救寧陵襄邑，擊李希烈陳州城下，公常在軍間。環領陳許軍，公因爲陳許從事。以前後功勞，累遷檢校兵部郎中御史中丞營田副使。吳少誠乘環喪，引兵叩城，留後上官說咨公以城守，所以能擒誅叛將爲抗拒，令敵人不得其便。圍解，拜陳州刺

史。韓全義敗，引軍走陳州，求人保，公自城上揖謝全義曰：「公受命詣蔡，何爲來？」陳公無恐，賊必不敢至我城下。」明日，領步騎十餘，抵全義營，全義驚喜，迎拜歎息，殊不敢以不見舍望公；改授陳許軍司馬。上官說死，拜金紫光祿大夫，檢校工部尚書，代說爲節度使，命界上吏不得犯蔡州人，曰：「俱天子人，奚爲相傷。」少誠吏有來犯者，捕得，縛送曰：「妄稱彼人，公宜自治之。」少誠慚其軍，亦禁界上暴者。兩界耕桑交跡，吏不何問。封彭城郡開國公，就拜尚書右僕射。元和七年，得疾，視政不時。八年五月，涌水出他界，過其地，防穿不補，沒邑屋，流殺居人。拜疏請去職，卽罪，詔還京師。卽其日，與使者俱西，大熱，旦暮馳不息，疾大發，左右手轡止之，公不肯，曰：「吾恐不得生，謝天子。」上益遣使者勞問，敕無亟行，至則不得朝矣。天子以爲恭，卽其家拜檢校左僕射，右龍武軍統軍知軍事。十一月某甲子薨。年六十二。上爲之一日不視朝。贈潞州大都督，命郎弔其家。明年某月某甲子，葬河南某縣某鄉某原。公不好音聲，不大爲居宅，於諸帥中獨然。夫人，邠音彬國夫人。

武功蘇氏子四人，嗣子光祿主簿縱，學於樊宗師，士大夫多稱之。長子元一，朴直忠厚，便弓馬，爲淮南軍衙門將。次子景陽，景長，皆舉進士。葬得日，相與遣使者哭拜塋上，使來乞銘。銘曰：

提將之符，尸我一方。配古侯公，維德不爽。讀若我銘不亡，後人之慶。讀若

【朔州】治今山西朔縣。【太原晉陽】太原，唐府名，今山西舊太原汾州二府之地，治晉陽，今太原縣。【楊琳】楊惠琳也。唐

書：楊惠琳亂，昌裔說之，惠琳順命。【曲環】陝州安邑人，唐書：曲環方攻濮州，表爲判官。【李納】建中二年七月，平盧淄青

節度使李正己卒，子納自稱留後。【恆魏】恆指成德節度使李惟岳，魏指魏博節度使田悅。【濮州】亦曰濮陽郡，治今山東

濮縣，爲淄青節度使領地。李納逼徐州，環與劉玄佐救之，敗其衆，納還濮陽，玄佐追圍之，殘其郛。【白塔】未詳。【寧陵襄邑】

二縣名，唐時並屬宋州，襄邑卽今睢縣，與寧陵並屬河南省。【擊希烈】興元元年閏十月，李希烈遣將程崇暉，悉衆圍陳州，宋毫節

度使劉洽，遣馬步都虞候劉昌與，隴右幽州節度使曲環，將兵三萬救之。十一月敗崇暉於州西，擒以獻。陳州，治今河南淮陽縣。【環

領陳許軍】貞元二年七月，以曲環爲陳許節度使。【吳少誠】貞元十四年九月，吳少誠遣兵竄唐州，掠臨潁，陳許留後上官說

遣將救之，敗沒。少誠遂圍許州。【上官說】按說「新舊唐書」並作說，時說以刺史知留後。少誠引兵薄城，說欲遁去，昌裔止之，曰：

受詔而守，死其職也，況士馬完奮，足支賊，若堅壁不戰，七日賊氣必衰，我以全制之可也。說許諾。少誠晝夜急攻，昌裔擊城，大破之。

【擒誅叛將】兵馬使安國寧，謀翻城應賊，昌裔以計斬之，召其麾下人，給二緡，伏兵要巷，見持緡者悉斬之。【韓全義敗】



十六年韓全義爲冀州招討使，與淮兵戰於澠水之南，大潰。【與使者俱西】按「唐書」憲宗惡昌裔自立，欲召之而重生變，宰相李吉甫曰：陛下乘人心慈苦，可召也，遂以韓阜代之，至長樂驛，知帝意，因稱風眩臥第，旋卒。按與誌文不同。【武功】今陝西武功縣。

## 唐朝散大夫贈司勳員外郎孔君墓誌銘

昭義節度盧從史，有賢佐曰孔君，諱戡，音堪字君勝。從史爲不法，君陰爭不從，則於會肆言以折之。從史羞，面頸發赤，抑首伏氣，不敢出一語以對，立爲君更令改章辭者，前後累數十。坐則與從史說古今君臣父子，道順則受成福，逆輒危辱誅死。曰：「公當爲彼，不得爲此。」從史常聳聽喘汗，居五六歲益驕，有悖語，君爭無改悔色，則悉引從事，空一府往爭之。從史雖羞，退益甚。君泣語其徒曰：「吾所爲止於是，不能以有加矣。」遂以疾辭去。臥東都之城東，酒食伎樂之燕不與。當是時，天下以爲賢，論士之宜在天子左右者，皆曰孔君。孔君云：會宰相李公鎮揚州，首奏起君，君猶臥不應。從史讀詔曰：「是故舍我而從人耶？」卽誣奏君前在軍有某事，上曰：吾知之矣。奏三上，乃除君衛尉丞分司東都。詔始下門下，給事中

呂元膺封還詔書。上使謂呂君曰：「吾豈不知戡也，行周之矣。」明年元和五年正月，將浴臨汝之湯泉，壬子，至其縣食，遂卒。年五十七。公卿大夫士相弔於朝，處士相弔於家。君卒之九十六日，詔縛從史送闕下，數以違命，流於日南。遂詔贈君尚書司勳員外郎，蓋用嘗欲以命君者信同其志。其年八月甲申，從葬河南河陰之廣武原。君於爲義若嗜欲，勇不顧前後。於利與祿，則畏避退處，如怯夫然。始舉進士第，自金吾衛錄事爲大理評事，佐昭義軍，軍帥死，從史自其軍諸將代爲帥，請君曰：「從史起此軍行伍中，凡在幕府，惟公無分寸私，公苟留，惟公之所欲爲。」君不得已留。一歲再奏，自監察御史，至殿中侍御史。從史初聽用其言，得不敗，後不聽信，惡益聞。君棄去，遂敗。祖某，某官，贈某官。父某，某官，贈某官。君始娶弘農楊氏女，卒。又娶其舅宋州刺史京兆韋起音女，皆有婦道。凡生一男四女，皆幼。前夫人從葬。舅姑兆次。卜人曰：「今茲歲未可以祔。」從卜人言，不祔。君母兄殲音，尙書兵部員外郎。母弟踐，殿中侍御史，以文行稱朝廷。將葬，以韋夫人之弟前進士楚

材之狀授愈曰請爲銘銘曰

允義孔君，茲惟其藏。更千萬年，無敢壞傷。

【昭義節度】昭義軍治潞州，今山西長治縣。

【盧從史】

貞元二十年，從史爲昭義節度使，表獻爲書記，從史寔恣不道，至奪部

將妻。

【宰相李公】時李吉甫爲淮南節度使治揚州。

【呂元膺】字景夫，鄆州東平人。

【日南】郡名，今安南順化等處，元

和五年，鎮州行營招討使吐突承璀緣從史送京師，貶驪州司馬，驪州，今安南地。

【佐昭義軍】時李長榮爲昭義節度使。

## 集賢院校理石君墓誌銘

君諱洪，字溶川。其先姓烏石蘭，九代祖猛，始從拓跋氏入夏，居河南，遂去烏  
與蘭，獨姓石氏，而官號大司空。後七世，至行襄，官至易州刺史，於君爲曾祖。易州  
生婺州金華令諱懷一，卒葬洛陽北山。金華生君之考諱平，爲太子家令，葬金華  
墓東，而尙書水部郎劉復爲之銘。君生七年喪其母，九年而喪其父。能力學行，去  
黃州錄事參軍，則不仕，而退處東都洛上十餘年。行益修，學益進，交遊益附，聲號  
聞四海。故相國鄭公餘慶留守東都，上言洪可付史筆。李建拜御史，崔周禎爲補

闕，皆舉以讓。宣歙池之使，與浙東使，交牒署君從事。河陽節度烏大夫重胤，聞以幣先走廬下，故爲河陽得。佐河陽軍，吏治民寬。考功奏從事考，君獨於天下爲第一。元和六年，詔下河南徵拜京兆昭應尉校理集賢御書。明年六月甲午，疾卒。年四十二。娶彭城劉氏女，故相國晏之兄孫。生男二人，八歲曰壬，四歲曰中。女子二人。顧言曰：葬死所。七月甲申，葬萬年白鹿原。既病，謂其游韓愈曰：子以吾銘。銘曰：生之艱，成之又艱。若有以爲，而止於斯。

【拓跋】見上柳子厚墓誌銘注。

【獨姓石氏】後魏孝文帝太和二十年，盡改複姓，故烏石闕止爲石氏。以河南爲望。

【黃州

】按黃當爲囊，李翱有薦洪狀，謂明經出身，曾任囊州，今囊縣也。

【李建】字杓直，元和三年十月，高郢爲御史大夫，奏建爲殿中侍

御史，建舉洪自代。

【宣歙池使】盧坦也，字保衡，河南洛陽人。

【浙東使】薛奉也，河中寶鼎人。

【佐河陽軍】元和五年

四月，烏重胤爲河陽節度使，表洪爲府參軍。

【劉晏】字士安，曹州南華人。在代宗時，以善理財聞。

## 李元賓墓銘

李觀，字元賓。其先隴西人也。始來自江之東。年二十四，舉進士。二年登上第。

又舉博學宏辭，得太子校書。一年二十九，客死於京師。既歿之三日，友人博陵崔弘禮葬之國東門之外七里，鄉曰慶義，原曰嵩原。友人韓愈書石以誌之。辭曰：已乎元賓！壽也者，吾不知其所慕。夭也者，吾不知其所惡。生而不淑，誰謂其壽。死而不朽，誰謂之夭。已乎元賓！才高乎當世，而行出乎古人。已乎元賓，竟何爲哉！竟何爲哉！

【隴西】今甘肅隴西縣。

【博陵】郡名，治今河北定縣。

【崔弘禮】字從周，磊落有大志，通兵略，官至刑部尙書，爲東都留守卒。

## 施先生墓銘

貞元十八年十月十一日，太學博士施先生士匄卒。其僚太原郭伉買石誌其墓。昌黎韓愈爲之辭曰：先生明毛鄭詩，通春秋左氏傳，善講說，朝之賢士大夫，從而執經考疑者，繼於門。太學生習毛鄭詩春秋左氏傳者，皆其弟子。貴游之子弟，時先生之說二經，來太學，帖帖坐諸生下，恐不卒得聞先生死，二經生喪其師，

仕於學者亡其朋，故自賢士大夫老師宿儒新進小生，聞先生之死，哭泣相弔，歸

去聲 同韻衣服貨財。先生年六十九，在太學者十九年，由四門助教為太學助教，由助

教為博士。太學秩滿當去，諸生輒拜疏乞留，或留或遷，凡十九年不離太學。祖曰

旭，切呼玉袁州宜春尉。父曰媯，切敷略豪州定遠丞。妻曰太原王氏，先先生卒。子曰友

直，明州鄞音茂縣主簿。曰友諒，太廟齋郎。系曰：

先生之祖，氏自施父。其後施常，事孔子以彰。讎為博士，延為太尉。太尉之孫，始為

吳人。曰然曰續，亦載其迹。先生之興，公車是召。篋序前聞，于光有曜。古聖人言，其

旨密微。箋注紛羅，顛倒是非。聞先生講論，如客得歸。卑讓肫切株倫，出言孔揚。今

其死矣，誰嗣為宗。縣曰萬年，原曰神禾。高四尺者，先生墓耶！

【明毛鄭詩】嘉話拾遺予嘗與柳八韓十八詣施士河聽毛詩。【通春秋左氏傳】新唐書王鉉撰春秋傳，未甚傳。

袁州宜春唐袁州，治今宜春縣，屬江西。【豪州定遠】豪州即濠州，今安徽鳳陽縣。定遠縣名，今屬安徽省。【明州鄞縣】

唐明州，治鄞縣。即今鄞縣，屬浙江。【施父】魯大夫。【施常】施之常，字子恆，仲尼弟子。見史記。【媯】漢書儒林傳施

媯，字長卿，沛人，從田王孫受易，宣帝時為博士。【延】漢順帝陽嘉二年為太尉。【然續】吳志朱然字義封，本姓施氏，然子也。

字公緒，按續當作顯。【朏朏】懇誠貌。【高四尺者】禮檀弓「孔子曰：吾聞之古也，墓而不墳，今丘也，東西南北之人也，不可以弗誠也，於是封之景四尺。」

## 唐河中府法曹張君墓碣銘

有女奴抱嬰兒來，致其主夫人之語曰：「妾張圓之妻劉氏也。妾夫常語妾云：『吾常獲私於夫子。且曰：夫子天下之名能文辭者，凡所言必傳世行後。』今妾不幸，夫逢盜死途中，將以日月葬。妾重哀其生志不就，恐死遂沈泯，敢以其稚子沐兒，先生將賜之銘，是其死不爲辱，而名永長存，所以蓋覆其遺胤子若孫，且死萬一能有知，將不悼其不幸於土中矣。」又曰：「妾夫在嶺南時，嘗疾病，泣語曰：『吾志非不如古人，吾才豈不如今人，而至於此，而死於是耶！爾若吾哀，必求夫子銘，是爾與吾不朽也。』」愈既哭弔辭，遂敘次其族世名字事，始終而銘曰：君字直之，祖謙，父孝新，皆爲官。沐宋間，君嘗讀書，爲文辭，有氣，有吏才，常感激欲自奮拔，樹功名以見世。初舉進士，再不第，因去事宣武軍節度使，得官至監察御

史；坐事貶嶺南。再遷至河中府法曹參軍，攝虞鄉令；有能名，進攝河東令；又有名，遂署河東從事。絳州闕刺史，攝絳州事，能聞朝廷。元和四年秋，有事適東方，既還。八月壬辰，死於汴城西雙邱。年四十有七。明年二月日，葬河南偃師。妻彭城人，世有衣冠。祖好順，泗州刺史。父泳，卒，晉斬州別駕。女四人，男一人，嬰兒，汴也。是爲銘。

【逢盜死途中】「李肇國史補」張圓佐韓弘，弘初垂節，事無大小委之，後乃奏貶，圓多怨言，及量移，誘至汴州，極歡而遣之行，次八

角店，使人殺之。按誌不明言，此爲韓弘諱也。【宣武軍節度使】韓弘也，宣武軍治汴州。【河中府】今山西水濟縣。【虞

鄉】縣名，今屬山西省。【河東】唐縣名，屬河東道，今山西蒲縣。【河東從事】河東道之從事也。

### 扶風郡夫人墓誌銘

夫人姓盧氏，范陽人。亳州城父丞序之孫，吉州刺史徹之女。嫁扶風馬氏，爲

司徒侍中莊武公之冢婦，少府監西平郡王贈工部尚書之夫人。初，司徒與其配

陳國夫人元氏，惟宗廟之尊重，繼序之不易，賢其子之才，求婦之可與齊者。內外



親戚曰：盧某舊門，承守不失其初。其子女聞教訓，有幽閒之德。爲公子擇婦，宜莫如盧氏。媒者曰：然。卜者曰：祥。夫人適年若干，入門而媪音媪御皆喜，既饋而公姑交賀。克受成福，母有多子，爲婦爲母，莫不法式。天資仁恕，左右媵音媵侍，常蒙假與顏色，人人莫不自在。杖婢使，數未嘗過二三。雖有不懌夷益切，未嘗見聲氣。元和五年，尙書薨，夫人哭泣成疾。後二年，亦薨。年四十有六。九年正月癸酉，祔於其夫之封。長子殿中丞繼祖，孝友以類。葬有日，言曰：「吾父友，惟韓丈人視諸孤，其往乞銘。」以其狀來，愈讀曰：「嘗聞乃公言然，吾宜銘。」銘曰：

陰幽坤從，維德之恆。出爲辨強，乃匪婦能。淑哉夫人，夙有多譽。來嬪大家，不介父母。有事賓祭，洒食祇飭。協於尊章，畏我侍側。及嗣內事，亦莫有施。齊其躬心，小大順之。夫先其歸，其室有邱。合葬有銘，壺苦本切彝是攸。

【亳州城父】唐城父縣屬亳州，故城在今安徽亳縣東南。【吉州】治今江西廬陵縣。【莊武公】馬燧也。字洵美。貞元三年，

拜司徒待中，十一年薨，贈太傅，諡莊武。【西平郡王】名暢，元和五年卒，終少府監，贈工部尙書。【媵侍】從嫁之婢女。【繼

祖】按少監之子，或以爲名放，而疑繼祖二字，下有缺文。據《國史補》云：繼祖始生，德宗賜名，退而笑曰：是有二義，謂之索繫組，則赦或

係初名，繼祖乃賜名也。【不介父母】介，善也，言不待父母之戒而善也。【尊章】舅姑也。【畏我】言侍側之婢使畏服也。

### 河南府法曹參軍盧府君夫人苗氏墓誌銘

夫人姓苗氏，諱某，字某。上黨人。曾大父夔夔，贈禮部尚書。大父殆庶，贈太子太師。父如蘭，仕至太子司議郎汝州司馬。夫人年若干，嫁河南法曹盧府君諱貽，有文章德行；其族世所謂甲乙者；先夫人卒。夫人生能配其賢，歿能守其法。男二人，於陵、渾。女三人，皆嫁爲士妻。貞元十九年四月四日，卒於東都敦化里。年六十有九。其年七月某日，祔於法曹府君墓。在洛陽龍門山。其季女婿昌黎韓愈爲之誌。其詞曰：

赫赫苗宗，族茂位尊。或毗頻於王，或貳於藩。是生夫人，載穆令聞。爰初在家，孝

友惠純。乃及於行，克媿德門。肅其爲禮，裕其爲仁。法曹之終，諸子實幼。熒音熒其

哀，介介其守。循道不違，厥聲彌劭。時照三女有從，二男知教。閭里歎息，母婦思效。

歲時之嘉，嫁者來寧。累累外孫，有攜有嬰。扶牀坐膝，嬉戲謹爭。旣壽而康，旣備而

成不歎於約，不矜於盈。伊昔淑哲，或圖或書。嗟咨夫人，孰與爲儔。刻銘寘墓，以贊碩休。

【十黨】晉置郡，今地屬山西省。【汝州】治今河南臨汝縣。【其族世所謂甲乙者】猶言第一第二之族。【龍門山】

在今河南洛陽縣西南三十里。【毗】輔也。【貳】副也。【整瑩】孤獨貌。【劬】美也。

## 女挈壙銘

女挈

居切

韓愈退之第四女也；惠惠同而早死。愈之爲少秋官，言佛夷鬼，其法

亂治，梁武事之，卒有侯景之敗，可一掃刮絕去，不宜使爛漫。天子謂其言不祥，斥

之潮州，漢南海揭陽之地。愈既行，有司以罪人家不可留京師，迫遣之。女挈年十

二，病在席，旣驚痛與其父訣，又輿致走道撼合上頓，失食飲節，死於商南層峯驛；

卽瘞道南山下。五年，愈爲京兆，始令子弟與其姆茂音易棺衾，歸女挈之骨於河南

之河陽韓氏墓葬之。女挈死，當元和十四年二月二日。其發而歸，在長慶三年十

月之四日。其葬在十一月之十一日。銘曰：

汝宗葬於是，汝安歸之，惟永寧。

【梁武】姓蕭，名衍，南蘭陵人，篡齊而自立，崇信佛教，捨身同泰寺，侯景之反，圍於臺城，餓死。【潮州】一曰潮陽郡，屬嶺南道，領海陽、潮陽、程鄉三縣。漢時爲南海揭陽地，按今南海揭陽均屬廣東省。【商南】今陝西有商南縣。

### 贈太傅董公行狀

公諱晉，字混成。河中虞鄉萬歲里人。少以明經上第。宣皇帝居原州，公在原州。宰相以公善爲文，任翰林之選，聞召見，拜祕書省校書郎，入翰林爲學士。三年，出入左右。天子以爲謹愿，賜緋魚袋，累陞爲衛尉寺丞，出翰林，以疾辭，拜汾州司馬。崔圓爲揚州，詔以公爲圓節度判官，攝殿中侍御史，以軍事如京師朝。天子識之，拜殿中侍御史內供奉。由殿中爲侍御史，入尙書省，爲主客員外郎。由主客爲祠部郎中。先皇帝時，兵部侍郎李涵如回紇，立可敦音敦，詔公兼侍御史，賜紫金魚袋，爲涵判官。回紇之人來曰：「唐之復土疆，取回紇力焉。約我爲市，馬旣入，而歸我賄不足，我於使人乎取之。」涵懼不敢對，視公。公與之言曰：「我之復土疆，爾

信有力焉。吾非無馬，而與爾爲市，爲賜不旣多乎？爾之馬歲至，吾數皮而歸資邊吏，請致詰也。天子念爾有勞，故下詔禁侵犯，諸戎畏我大國之爾與也，莫敢校焉。爾之父子寧而畜馬蕃者，非我誰使之？」於是其衆皆環公拜，旣又相率南面序拜。皆兩舉手曰：「不敢復有意大國。」自回紇歸，拜司勳郎中，未嘗言回紇之事。選祕書少監，歷太府太常二寺亞卿，爲左金吾衛將軍。今上卽位，以大行皇帝山陵出財賦，拜太府卿。由太府爲左散騎常侍，兼御史中丞，知臺事三司使。選擢才俊有威風，始公爲金吾，未盡一月，拜太府。九日，又爲中丞，朝夕入議事。於是宰相請以公爲華州刺史，拜華州刺史潼關防禦鎮國軍使。朱泚之亂，加御史大夫，詔至於上所，又拜國子祭酒，兼御史大夫，宣慰恆州。於時朱滔自范陽，以回紇之師助亂，人大恐。公旣至恆州，恆州卽日奉詔出兵，與滔戰，大破走之。還至河中，李懷光反，上如梁州。懷光所率皆朔方兵，公知其謀與朱泚合也，患之，造懷光言曰：「公之功，天下無與敵。公之過，未有聞於人。某至上所，言公之情，上寬明，將無不赦宥。」

焉，乃能爲朱泚臣乎？彼爲臣而背其君，苟得志於公何有？且公旣爲太尉矣，彼雖寵公，何以加此。彼不能事君，能以臣事公乎？公能事彼，而有不能事君乎？彼知天下之怒，朝夕戮死者也。故求其同罪而與之比，公何所利焉！公之敵彼有餘力，不如明告之絕，而起兵襲取之。清宮而迎天子，庶人服而請罪有司，雖有大過，猶將揜焉。如公則誰敢議。」語已。懷光拜曰：「天賜公活懷光之命。」喜且泣，公亦泣；則又語其將卒，如語懷光者。將卒呼曰：「天賜公活吾三軍之命。」拜且泣，公亦泣；故懷光卒不與朱泚。當是時，懷光幾不反。公氣仁，語若不能出口。及當事，乃更疎亮捷給。其詞忠，其容貌溫然，故有言於人，無不信。明年，上復京師，拜左金吾衛大將軍。由大金吾爲尙書左丞，又爲太常卿。由太常拜門下侍郎平章事。在宰相位凡五年，所奏於上前者，皆二帝三王之道。由秦漢以降，未嘗言退歸。未嘗言所言於上者於人。子弟有私問者，公曰：「宰相所職繫天下，天下安危，宰相之能與否可見。欲知宰相之能與否，如此視之其可。凡所謀議於上前者，不足道也。」故其

事卒不聞。以疾病辭於上。前者不記，退以表辭者八，方許之。拜禮部尙書，制曰：「事上盡大臣之節。」又曰：「一心奉公。」於是天下知公之有言於上也。初公爲宰相時，五月朔會朝，天子在位，公卿百執事在廷，侍中贊，百僚賀，中書侍郎平章事竇參攝中書令，當傳詔，疾作不能事。凡將大朝會，當事者旣受命，皆先日習儀；於時未有詔，公卿相顧，公逡巡進，北面言曰：「攝中書令臣某，病不能事，臣請代某事。」於是南面宣致詔詞。事已復位，進退甚詳。爲禮部四年，拜兵部尙書，入謝，上語問曰：「晏復有人謝者？」上喜曰：「董某疾且損矣。」出語人曰：「董公且復相。」旣二日，拜東都留守，判東都尙書省事。充東都畿汝州都防禦使，兼御史大夫，仍爲兵部尙書。由留守未盡五月，拜檢校尙書左僕射，同中書門下平章事。汴州刺史宣武軍節度副大使，知節度事，管內支度營田汴宋毫穎等州觀察處置等使。汴州自大歷來，多兵事；劉玄佐益其師至十萬，玄佐死，子士寧代之，畋遊無度；其將李萬榮，乘其畋也逐之。萬榮爲節度一年，其將韓惟清、張彥林作亂，求殺萬榮，不克。三

年。萬榮病風，昏不知事。其子迺復欲爲士寧之故。監軍使俱文珍，與其將鄧惟恭執之歸京師，而萬榮死。詔未至，惟恭權軍事。公既受命，遂行。劉宗經、韋弘景、韓愈實從，不以兵衛。及鄭州，逆者不至，鄭州人爲公懼。或勸公止以待，有自汴州出者，言於公曰：「不可入。」公不對，遂行，宿圃田。明日，食中牟，逆者至，宿八角。明日，惟恭及諸將至，遂逆以入。及郟，字音三軍緣道謹聲。庶人壯者呼，老者泣，婦人啼。遂入以居。初，玄佐死，吳湊代之。及鞏聞亂歸，士寧、萬榮皆自爲而後命，軍士將以爲常。故惟恭亦有志以公之速也，不及謀，遂出逆。既而私其人，觀公之所爲以告。曰：「公無爲。」惟恭喜，知公之無害己也，委心焉。進見公者，退皆曰：「公仁人也。」聞公言者，皆曰：「公仁人也。」環以相告，故大和初，玄佐遇軍士厚，士寧懼，復加厚焉。至萬榮，如士寧志。及韓、張亂，又加厚以懷之。至於惟恭，每加厚焉。故士卒驕不能禦，則置腹心之士，幕於公庭廡下，挾弓執劍以須。日出而入，前者去，日入而出，後者至。寒暑時至，則加勞賜酒肉。公至之明日，皆罷之。貞元十二年七月也。八月，



上命汝州刺史陸長源爲御史大夫行軍司馬。楊凝自左司郎中爲檢校吏部郎中觀察判官。杜倫自前殿中侍御史爲檢校工部員外郎節度判官。孟叔度自殿中侍御史爲檢校金部員外郎支度營田判官。職事修，人俗化。嘉禾生，白鵲集。蒼鳥來巢，嘉瓜同蒂。帝聯實。四方至者，歸以告其帥。小大威懷，有所疑，輒使來問。有交惡者，公與平之。累請朝，不許。及有疾，又請之。且曰：人心易動，軍旅多虞。及臣之生，計不先定。至於他日，事或難期。猶不許。十五年二月三日薨於位。上三日罷朝。贈太傅。使吏部員外郎楊於陵來祭，弔其子，贈布帛米有加。公之將薨也，命其子三日斂，旣斂而行。於行之四日，汴州亂，故君子以公爲知人。公之薨也，汴州人歌之曰：「濁流洋洋，有闢其郛。」音道歡呼，公來之初。今公之歸，公在喪車。」又歌曰：「公旣來止，東人以完。今公歿矣，人誰與安？」始公爲華州，亦有惠愛，人思之。公居處恭，無妾媵，不飲酒，不諂笑，好惡無所偏，與人交，泊如也。未嘗言兵，有問者，曰：「吾志於教化。」享年七十六。階累陞爲金紫光祿大夫。勳累陞爲上柱國。爵

累陞爲隴西郡開國公。娶南陽張氏夫人。後娶京兆韋氏夫人。皆先公終。四子，全道、溪、全素、澥。音蟹全道爲秘書省著作郎，溪爲秘書省秘書郎，全素爲大理評事，澥爲太常寺太祝，皆善士，有學行。謹具歷官行事狀，伏請牒考功，并牒太常，議所謚。牒史館，請垂編錄，謹狀。

【河中虞鄉】河中府虞鄉縣，唐屬河東道，即今山西虞鄉縣治。【宣皇帝句】肅宗，名亨，至德元年十月肅宗自靈武幸彭原，晉

上書行在，彭原唐置郡，治定安，即今甘肅寧縣，按原州疑誤。（新舊唐書）並作彭原。【汾州】汾州，西河郡，屬河東道，領縣四，治隰城，今

山西汾陽縣。【崔圓】字有裕，貝州武成人，以汾州刺史徙淮南節度使，奏管以本官攝御史，充判官。淮南節度使，治揚州，今江蘇江

都縣。【先皇帝】代宗名豫。【李涵如同紇數句】大曆中，李涵持節送崇徽公主於回紇，署管判官，崇徽公主者，僕固懷恩

女，鑿於宮中，回紇請以爲可敦，册爲公主，回紇稱其君曰可汗，君之妻曰可敦。【今上】德宗名适。【大行】皇帝喪也。【華州

華州華陰郡，屬關內道，領縣四，治鄭，今陝西華縣。【潼關】在今陝西潼關縣，後漢建安中建，西薄華山，南臨商嶺，北距黃河，東接

桃林，歷代皆爲要地。【朱泚之亂】泚，幽州昌平人，本盧龍部將，殺節度使朱希彩，代領其衆，尋以弟滔留鎮，而自入朝，建中四年

冬十月，澤原節度使姚合言過京師作亂，泚爲太尉在長安，亂兵舉之爲主，稱帝，國號大秦，圖德宗於奉天，渾瑊擊破泚，奉天圍解，興元

元年六月，李晟復京師，泚亡走，爲其將韓旻所殺。【恆州】恆州常山郡，屬河北道，元和時改曰鎮州，治真定，即今河北正定縣。【

朱滔】建中三年夏，朱滔反，興元元年五月，王武俊大破之於貝州，貞元元年六月，滔死。【范陽】幽州范陽郡，屬河北道，治薊，今河

北大興縣。【李懷光】渤海靺鞨人，在軍積勞，至開府儀同三司，爲都虞候，後徙朔方節度使，敗朱泚，加副元帥，興元元年三月帝奔

梁州貞元元年八月，梁光爲部將所殺。【梁州】梁州興元府漢中郡，屬山南西道，治南鄭，今陝西南鄭縣。【寶參】字中，岐州平陸人，以奸聞。【逡巡】行不進貌。【汝州】汝州臨汝郡，屬河南道，治梁，今河南臨汝縣。【汴州】汴州陳留郡，屬河南道，治浚儀，今河南開封縣。【宣武軍節度使】治汴州，管汴、宋、毫、穎四州。【大歷】代宗年號。【劉玄佐李萬榮】均滑州匡城人。【俱文珍】貞元末宦官，後從義父，姓曰劉貞亮。【鄧惟恭】亦匡城人。【鄭州】鄭州滎陽郡，屬河南道，治管城，今河南鄭縣。【逆】迎也。【圃田】澤名，在今河南中牟縣西。【中牟】唐屬鄭州，故城在今河南中牟縣東。【八角】在今開封縣西南三十里。【郭】郭也。【吳湊】滑州濮陽人，劉玄佐卒，以湊檢校兵部尚書汴州刺史御史大夫，宣武軍節度使，時汴州軍亂，縣令李適，謀立玄佐子士寧，恐軍中拒命，乃召湊還。【鞏】縣名，唐屬河南府，今屬河南省。【陸長源】字泳之，吳人。【楊凝】字懋功，魏州弘農人。【楊於陵】字掩夫，弘農人。【汴州亂】陸長源在汴州，欲以峻法繩驕兵，爲督所持，不果，而督判官楊凝孟叔度亦縱恣淫灑，衆情其怒，督卒長源繼留後事，大言曰：將士久慢，我且以法治之。軍中怨怒作亂，殺長源及叔度等，食其肉，放兵大掠。監軍俱文珍，以宋州刺史劉逸准得衆心，召之，逸准引兵入汴州，衆乃定，遂以爲節度使。

### 監察御史衛府君墓誌銘

使等。

君諱之玄，字造微。中書舍人御史中丞諱晏之子。贈太子洗馬諱璿之孫。家世習儒學，辭章。昆弟三人，俱傳父祖業。從進士舉。君獨不與俗爲事，樂弛置自便。父中丞薨，旣三年，與其弟中行別曰：「若旣克自敬勤，及先人存，趾美進士，續聞

成宗。惟服任遂功爲孝子，在不懈。我恨已不及，假令今得，不足自賞。世音我聞南方

多水銀丹砂，雜他奇藥，燻切於刀爲黃金，可餌耳音以不死。今於若丐我，我卽去。」遂

踰嶺阨，切於隔南出，藥貴不可得。以干容帥，帥且曰：「若能從事於我，可一日具。」

許之。得藥試，如方不效。曰：「方良是，我治之未至耳。」留三年。藥終不能爲黃金。

而功再遷監察御史。帥遷於桂，從之。帥坐事免，君攝其治歷三時。夷人稱便。新帥

將佐帥政成，以奏功，君捨去。南海馬大夫使謂君曰：「幸尙可成，兩濟其利。」君

雖益厭，然不能無萬一冀。至南海，未幾竟死。年五十三。子曰景微。元和十年十二

月某日，歸葬河南某縣某鄉某村，附先塋。於時中行爲尙書兵部郎中，號名人，而

與余善。請銘。銘曰：

嗟惟君，篤所信。叶韻要無有，敝精神。以弃古棄餘，賈古音於人。脫外累，自貴珍。訊音

來世，述墓文。

【中書舍人】梁陳時，凡國之政事，並由中書省，省有中書舍人五人，領主書書吏等，唐因之。【御史中丞】掌祕書，兼司糾察起

自秦漢，歷代因之。【太子洗馬】秦置漢因之，爲東宮官屬。【中行】字大受。【若】汝也。【趾美】猶繼美也。【續聞成宗】續先人之名，以光大其宗。【貫】款也。（國語）吾先君闔廬不貫不忍。【水銀】亦稱汞，化學上爲金屬元質之一。【丹砂】硃砂，道家嘗鍊爲丹藥。【燻】煉也。【餌】食也。【今於若丐我】丐，與也，與行資也。【隄】險地。【干】求也。【容帥】謂房啓也，貞元二十一年五月，以房啓爲容管經略使。【遷桂】元和八年四月，以啓爲桂管觀察使。【坐事免】是歲七月，啓以罪降爲太僕少卿。【攝】佐也。【南海】縣名，合屬廣東粵海道。【馬大夫】十二月以馬總爲嶺南節度使。【元和】唐憲宗年號。【伊闕】在河南洛陽縣南。【祔】合葬也。【郎中】秦置，隸郎中令，隋唐以後六部皆置郎中，爲諸司之長。【賈於人】賈，市也。以其所棄市於三鎮也。【訊】告也。（詩）英青用訊。

## 尙書左丞孔公墓誌銘

左丞官名，漢置尙書左右丞，以佐令僕，左丞總領臺中紀綱，歷代因之。

孔子之後三十八世有孫曰<sub>遠音</sub>殘，字君嚴。事唐爲尙書左丞。年七十三。三上書去官。天子以爲禮部尙書祿之終身，而不敢煩以政。吏部侍郎韓愈常賢其能。謂曰：「公尙壯，上三留，奚去之果。」曰：「吾敢要<sub>邀音</sub>君。吾年至，一宜去。吾爲左丞，不能進退郎官，惟相之爲，二宜去。」愈又曰：「古之老於鄉者，將自佚，非自苦。闔井田宅具在，親戚之不仕，與倦而歸者，不在東阡在北陌，可杖屨來往也。今異於

是公誰與居？且公雖貴而無留資，何恃而歸？曰：「吾負二宜去，尙奚顧子言。」愈面歎曰：「公於是乎賢遠於人。」明日奏疏曰：「臣與孔戣同在南省，數與相見。戣爲人守節清苦，論議正平。年纔七十，筋力耳目未覺衰老。憂國忘家，用意至到。如戣輩在朝，不過三數人。陛下不宜苟順其衆，不留自助也。」不報。明年長慶四年正月己未，公年七十四，告薨於家，贈兵部尙書。公始以進士佐三府，官至殿中侍御史。元和元年，以大理正徵，累遷江州刺史，諫議大夫。事有害於正者，無所不言。加皇太子侍讀，改給事中，言京兆尹阿縱罪人，詔奪京兆尹三月之俸。權知尙書右丞，明年拜左丞，改華州刺史。明州歲貢海蟲淡菜蛤音呼蚶音呼，可食之屬，自海抵京師，道路水陸，遞夫積功，歲爲四十三萬六千人，奏疏罷之。下音邽音令，答音外按小兒，繫御史獄，公上疏理之，詔釋下邽令。而以華州刺史爲大理卿。十二年，自國子祭酒，拜御史大夫，嶺南節度等使。約以取足，境內諸州負錢至二百萬，悉放不收。蕃船音白泊音俗之至，泊步有下碇音訂之稅，始至有閱貨之燕犀音西珠磊音磊

落，賄及僕隸，公皆罷之。絕海之商，有死於吾地者，官藏其貨。滿三月無妻子之請者，盡沒有之。公曰：海道以年計往復，何月之拘。苟有驗者，悉推與之，無算遠近。厚守宰俸而嚴其法。嶺南以口爲貨，其荒阻處，父子相縛爲奴。公一禁之，有隨公之吏得無名兒，蓄不言官。有訟者，公召殺之。山谷諸黃，世自聚爲豪。觀吏厚薄緩急，或叛或從。容桂二管，利其虜掠，請合兵討之，冀一有功，有所指取。當是時，天子以武定淮西，河南北，用事者以破諸黃爲願，向意助之。公屢言遠人，急之則惜性命，相屯聚爲寇，緩之則自相怨恨而散。此禽獸耳，但可自計利害，不足與論是非。天子入先言，遂斂兵江西、岳、鄂、湖南。嶺南會容桂之吏以討之。被霧露毒，相枕藉死，百無一還。安南乘勢殺都護李象古。桂將裴行立，容將陽晏切皆無功，數月自死。嶺南囂希妖切然。祠部歲下廣州祭南海廟，廟入海口，爲州者皆憚之，不自奉事，常稱疾命從事自代。惟公歲常自行，官吏刻石爲詩美之。十五年，遷尙書吏部侍郎。公之北歸，不載南物。奴婢之籍，不增一人。長慶元年，改右散騎常侍。二年而爲

尙書左丞。曾祖諱務本，滄州東光令。祖諱如珪，海州司戶參軍，贈尙書工部郎中。皇考諱岑父，祕書省著作佐郎，贈尙書左僕射。公夫人京兆韋氏，父种，大理評事。有四子。長曰溫質，四門博士。遵孺，遵憲，溫裕，皆明經。女子長嫁中書舍人陽平路隋。其季者幼。公之昆弟五人，載、戡、戡、戡。音衙公於次爲第二。公之薨，戡自湖南入爲少府監。其年八月甲申，戡與公子葬公於河南河陰廣武原先公僕射墓左。銘曰：孔世卅八，吾見其孫，白而長身，寡笑與言。其尙類也，莫與之倫。德則多有，請考於文。

【戡】岑父子，戡父從子。

【尙書左丞】戡累擢諫議大夫，宣寵側目，改給事中。江西觀察使，長慶二年，再遷尙書左丞。

【三上

書】長慶三年，戡累表請老。

【禮部尙書三句】詔戡以禮部尙書致仕，仍令所司歲致羊酒。

【果】決也。

【要】求也。

郎官】謂郎中員外。

【佚】通逸。

【東阡北陌】田間小路。南北曰阡，東西曰陌。

【南省】唐尙書省在大明宮之南。

【長

慶】穆宗年號。

【進士】建中元年，戡第進士。

【佐三府】貞元十六年四月，鄭滑節度使盧瑑時戡爲從事，羣卒命戡權掌留務。

監軍楊志謙雅自肆，衆益恐，戡邀志謙至府，與對榻臥起，示不疑，志謙嚴憚不敢動。

【殿中侍御史】魏置居殿中，察非法，唐因之。

【元和】憲宗年號。

【大理】掌刑法之官，秦漢改爲廷尉，北齊復爲大理卿，唐因之。

【江州】州名，州治初在武昌，後移治潯陽。



【刺史】官名，漢武帝置都刺史，督察郡國。刺者，言刺舉不法。史者，使也。唐因之。【諫議大夫】官名，省稱諫議。秦置諫議大夫，掌

議論，歷代因之。【害無不言】內官劉希光受將軍孫璋賂二十萬貫賜死。吐突承璀，坐希光事，出爲淮南監軍使，太子通事舍人

李涉，知上待承璀意未廣，投匭上言，論承瑾有理，戮劾奏涉與中官交結，詔貶涉陳州司倉。【侍讀】元和六年十月以戮爲皇太子

諸王侍讀。【給事中】以在殿中，故名。【京兆尹】漢置，爲管理京師地方之官。【阿縱罪人二句】戮爲給事中，江西觀

察使李少和坐賊，獄寢不下，博陵崔易簡殺從父兄，嗣狀其京兆尹左右之，翻其情，戮慷慨論正，貶少和，殺易簡，崔尹三日俸。【華州

刺史】元和九年六月，以戮爲刺史，潼關防禦鎮國軍使。【淡菜】蚌屬，以曝乾時不加食鹽，故名。【蛤】介屬，俗稱蛤蜊。【蚶

蚌屬，一名瓦楞子。【下邳】縣名，秦置，故城在今陝西渭南縣東北。【管】五刑之一，以小荆杖決打。【外按小兒】憲宗時，

每歲冬以鷹犬出近畿習狩，謂之外按。下邳合裴晉疾其擾人，但據文供饋，使者歸譴，將加罪，宰相武元衡等懇救，乃解。見《唐書要》。

小兒，即戲時，坊小兒之類。【大理卿】元和十年二月，以李絳代戮爲華州，以戮爲大理卿。【國子祭酒】國子監祭酒爲

長官。【嶺南節度使】十二年嶺南節度使崔詠卒，三軍請帥，宰相奏議，皆不稱旨，因又對，上謂裴度曰：嘗有上疏論南海並緇菜

者，詞甚忠正，此人何在？以戮對，即日授廣州刺史，兼御史大夫，嶺南節度使。【約以取足】戮剛正清儉，在南海請刺中俸料之

外，絕其取索。【負錢悉放不收】戮既至，免屬州運負十八萬緡，米八萬斛，黃金稅錢八百兩。【蕃】回番，唐時南洋各島及大

食等國，多有航海來廣州市易者。【舶】海中大船也。【泊】舟附岸也。【步】水際謂之步，通作埠。【碇】亦作碇，鎮舟石也，

今亦謂鐵錨曰碇。【燕】飲酒也，與宴譙並通。【犀】獸名，較駝略小，角生鼻端，其皮用以製甲。【磊落】多貌。【厚俸嚴

法】先是屬刺中俸率二萬，又不時給，皆取部中白衣食，戮乃信其俸，約不得爲貪暴，稍以法繩之。【諸黃】黃洞諸蠻也。【容

桂二管三句。元和十四年，容桂經略使陽旻，桂管觀察使裴行立，欲邀幸立功，爭請討，上從之。【此禽獸】一作比禽獸，猶言

如鳥獸散也。【斂兵】聚兵也。【岳鄂】岳州、鄂州，俱陷置，尋廢，唐俱復之。【嶺南】五嶺之南也，卽今粵中。【抄藉】謂縱

橫相枕而臥也。【漢書】一發視，皆相枕藉死。【安南殺李象古】象古，李阜子，自衡州刺史，爲安南都護，元和十八年爲楊清所殺，

妻千支黨無噍類，清代爲南方酋豪。【都護】唐置六大都護府，統轄邊遠諸國。【裴行立陽旻】行立，字眞何，孫，旻，字公素，思

元子，元和十五年七月相繼卒。【默然】訕諱也。【祠部句】常以立夏氣至，命廣州刺史行事祠下，南海爲廣利王，天寶十載正

月封。【官吏句】事詳本集南海神廟碑。【長慶】穆宗年號。【右散騎常侍】置自秦，旁乘輿，專獻可替否。隋廢，唐復置，分

左右，分隸門下中書兩省。【東光】今縣名，屬河北省。【海州】本春秋邾子國，東魏置海州，後周廢，唐復置，今析其地爲東海灌

雲二縣。【司戶參軍】漢魏以下有戶曹掾，主民戶，爲郡之佐吏，北齊始稱戶曹參軍，唐代在府曰戶曹參軍，在州曰司戶參軍，在

縣曰司戶。【祕書省】掌圖籍之官署，隋以祕書與尚書門下，內史、殿中，爲五省，唐因之。【著作佐郎】魏置，晉謂之著作省，稱

著作郎爲大著作，專掌國史，其屬有著作佐郎。【左僕射】僕射，秦官，漢以後因之。古者重武，有主射以督課，故曰僕射，隨所領之事

以爲號，如尚書僕射之類。其後尚書分置左右僕射，委任漸重，唐左右僕射爲宰相之任，掌佐天子議大政。【評事】漢置廷尉平，隋

改爲評事，屬大理寺。【四門博士】後魏于四門建學，置四門博士，唐因之。【明經】謂明於經術也。唐制六科取士，一秀才，二

明經，三進士，四明法，五書，六算。【中書舍人】魏置，掌詔語制敕，歷代因之，屬中書省，南朝權任極重，唐代亦爲文士盛選。【陽

平】國名，在陝西。【路隋】字南式，泌子，幼以父恩授八品官，文字宗朝，拜同中書門下平章事。【少府監】長慶元年正月，職自湖

南觀察入爲少府監。【河陰】縣名，唐置以便漕運，屬河南省，今與滎澤合併，改爲廣武縣。【倫】比也。

# 故貝州司法參軍李君墓誌銘

貝州北周置，今河北清河縣。南漢有決曹賊曹掾，主刑法，爲郡之佐

吏，歷代皆有。北齊稱法曹參軍，唐制，在府曰法曹參軍，在州曰司法參軍。

貞元十七年九月丁卯，隴西李翱，合葬其皇祖考貝州司法參軍楚金，皇祖

妣清河崔氏夫人於汴州開封縣某里。昌黎韓愈紀其世，著其德行，以識音其葬。

其世曰：由涼武昭王六世至司空。司空之後，二世爲刺史清淵侯。由侯至於貝州，

凡五世。其德行曰：事其兄如事其父，其行不敢有出焉。其夫人事其娣音如事其

姑，其於家不敢有專焉。其在貝州，其刺史不悅於民，將去官，民相率謹譚，手瓦石，

胥其出擊之。刺史匿不敢出，州縣吏由別駕已下不敢禁。司法君奮曰：是何敢爾？

屬音小吏百餘人，持兵杖以出，立木而署之曰：刺史出，民有敢觀者，殺之木下。民

聞皆驚，相告散去。後刺史至，加禮擢任。貝州由是大理。其葬曰：翱既遷貝州君之

喪於貝州，殯於開封。遂遷夫人之喪於楚州。八月辛亥，至於開封。壙音於丁巳，墳

於九月辛酉，窆於丁卯。人謂李氏世家也。侯之後五世仕不遂。蘊必發，其起而大乎？四十年而其兄之子衡，始至戶部侍郎。君之子四人，官又卑。鞠其孫也，有道而甚文。固於是乎在。

【貞元】注見前。【隴西】甘肅爲隴西，以在隴山之西云。【李翱】字習之，成紀人，貞元進士。元和初爲國子博士，歷官山南東

道節度使。【皇祖考】（禮）王父曰皇祖考。【皇祖妣】（禮）王母曰皇祖妣。【清河】郡名。【崔夫人】夫人父球，兗、鄆

懷三州刺史。【汴州】北周改齊梁州置，卽今河南開封縣。【開封】今縣名，故城在今河南開封縣南。【昌黎】唐縣名，故城在

今河北滄縣東。【識】記也。【涼武昭王六世至司空】涼武昭王名暠，字玄感，晉安帝時，自稱西涼公，在位十七年。子翻字

士舉，位車騎將軍都連、酒泉、晉昌太守。翻子寶，字懷素，鎮北將軍。寶子沖，字思順，後魏孝文時，封清淵縣侯，卒贈司空。沖，謚曾孫也，云六

世設。【司空之後二世爲刺史清淵侯】沖子延實，字敬，都督青州刺史。延實子彬，字子儒，襲祖爵清淵縣侯，卒贈齊州刺

史，子桃枝襲封。山侯至於貝州凡六世。桃枝玄孫詔，證議參軍，詔子楚金。【事兄如事父二句】楚金伯兄惟慎，楚

金事之加父，每事必請，惟慎曰：汝年亦長矣，擾我何爲？楚金請之如初。【妣】兄弟之妻相謂皆曰妣，此謂惟慎妻鄭也。【姑】婦稱

夫之母曰姑。【刺史】謂嚴正晦。【荅】何也。詩：于胥斯原。【別駕】漢置爲州刺史之佐吏。【司法君】謂楚金。【是

何敢爾九句】貝州刺史嚴正晦黜官，百姓將伺其出，斃之以瓦石，錄事參軍謂楚金曰：若之何？楚金於是集小吏百餘人，皆持兵，無

異者皆持杖，埋長木道中，令曰：使君出，百姓敢有出觀，杖殺大木下。及正晦出，百姓莫敢動。【理】治也。【殯】停柩也。【壙】墓

穴【芝】下棺於穴。【兄子衡】惟慎子五人，衡其第二子也。貞元七年，自常州刺史鎮河南，八年徙鎮江西，召爲給事中。

### 毛穎傳

毛穎，中山人也。其先明眎，視同佐禹治東方土，養萬物有功，因封於卯地，死爲

十二神。嘗曰：「吾子孫神明之後，不可與物同，當吐而生。」已而果然。明眎八世

孫騫，奴僕切世傳當殷時，居中山，得神仙之術，能匿光使物，竊姮娥，姮音核騎蟾蜍，除音入

月。其後代遂隱不仕云。居東郭者曰魏，俊音狡而善走，與韓盧爭能，盧不及，盧怒，與

宋鵠謀而殺之，醢其家。海音秦始皇時，蒙將軍恬南伐楚，次中山，將大獵以懼楚，召

左右庶長與軍尉，以連山筮之，得天與人文之兆。筮者賀曰：「今日之獲，不角不

牙，衣褐之徒，缺口而長鬚，八竅而跌，膚音居獨取其髦，簡牘是資，天下其同書。秦其

遂兼諸侯乎？」遂獵，圍毛氏之族，拔其豪，載穎而歸，獻俘於章臺宮，聚其族而

加束縛焉。秦皇帝使恬賜之湯沐，而封諸管城，號曰管城子，日見親寵，任事。穎爲

人強記而便敏，自結繩之代以及秦事，無不纂錄。陰陽卜筮，占相醫方，族氏山經

地志，字書圖畫，九流百家天人之書，及至浮圖老子外國之說，皆所詳悉。又通於當代之務，官府簿書市井貨錢注記，惟上所使。自秦皇帝及太子扶蘇、胡亥、丞相斯、中軍府令高，下及國人，無不愛重；又善隨人意，正直邪曲巧拙，一隨其人。雖見廢棄，終默不洩。惟不喜武士，然見請亦時往。累拜中書令，與上益狎，上嘗呼爲中書君。上親決事，以衡石自程，雖宮人不得立左右，獨穎與執燭者常侍。上休乃罷。穎與絳人陳玄、弘農陶泓，及會稽褚先生友善，相推致，其出處必偕。上召穎，三人者不待詔輒俱往，上未嘗怪焉。後因進見，上將有任使，拂拭之，因免冠謝。上見其髮禿，他谷切又所摹畫，不能稱上意。上嘻笑曰：「中書君老而禿，不任吾用，吾嘗謂君中書，君今不中書耶？」對曰：「臣所謂盡心者。」因不復召，歸封邑，終於管城。其子孫甚多，散處中國夷狄，皆冒管城。惟居中山者，能繼父祖業。

太史公曰：毛氏有兩族。其一姬姓，文王之子封於毛，所謂魯衛毛聃他甘切者也。戰國時，有毛公毛遂，獨中山之族，不知其本所出，子孫最爲蕃昌。春秋之成，見絕於

孔子而非其罪。及蒙將軍拔中山之豪，始皇封諸管城，世遂有名，而姬姓之毛無聞。穎始以俘見，卒見任使。秦之滅諸侯，穎與有功，賞不酬勞，以老見疎，秦真少恩哉！

【中山】在今安徽宣城縣，唐爲宣州治，產名筆。見（戒庵漫筆）。

【明眇】（禮曲禮）兔曰明眇。

【治東方】堪輿家二十四方

位，東方甲卯。

【卯地】星家十二支，卯屬兔。

【死爲十二神】地支十二卯居第四。

【吐而生】王充論衡兔舐毫而孕。

及其生子，從口而出。

【黓】（爾雅）兔子蟾。郭注：俗呼曰黓。

【匿光二句】

（後漢書天文志注）月者陰精之宗，積而成獸，象兔。

（文）羿請不死之藥於西王母，姮娥竊之以奔月，遂託身於月，是爲蟾蜍。淮南子注：蟾蜍，月中蝦蟆。

【魏】（說文）狡兔魏。

【韓

盧宋鵠】

皆良犬名。（戰國策）韓子盧者，天下之疾犬也。東郭逡者，海內之狡兔也。韓子盧逐東郭逡，環山者三，騰山者五，兔極於前，

犬廢於後，犬兔俱罷，各死其處。

【醢】凡人物經剝割者，皆曰醢。

【蒙將軍恬】始製筆者。

【連山】（周禮）三易之法，夏曰連

山，商曰歸藏，周曰周易。

【跋】足趾。

【髦】毛中長毫。

【結繩】燧人氏作結繩之政，大事作大結，小事作小結。

【衡石句】

（史記）始皇事無大小，皆決於上，以衡石量書，日夜有程，不中程，不休息。衡石者，權其輕重也。

【陳玄】墨也。

【陶泓】硯也。

【褚先生】紙也。

【毛公毛遂】戰國趙人。

【見絕句】孔子作春秋，絕筆於魯哀獲麟之歲。

## 平淮西碑 並序

毛穎傳 平淮西碑

天以唐克肖其德，聖子神孫，繼繼承承於千萬年，敬戒不怠，全付所覆；四海九州，固有內外，悉主悉臣。高祖太宗，既除既治。高宗中睿，休養生息。至於玄宗，受報收功，極熾而豐。物衆地大，孽牙其間。肅宗代宗，德祖順考，以勤以容。大慝適去，稂莠不薶。音相臣將臣，文恬武嬉。習熟見聞，以爲當然。睿聖文武皇帝，既受羣臣朝，乃考圖數，貢曰：「嗚呼！天既全付予有家，今傳次在予，予不能事事，其何以見於郊廟？」羣臣震懾，奔走率職。明年平夏；又明年平蜀；又明年平江東；又明年平澤潞。遂定易定，致魏、博、貝、衛、澶、音相，無不從志。皇帝曰：「不可究武，予其少息。」九年，蔡將死，蔡人立其子元濟以請，不許，遂燒舞陽，犯葉、音襄城，以動東都，放兵四劫。皇帝歷問於朝，一二臣外皆曰：「蔡帥之不廷授，於今五十年，傳三姓四將。其樹本堅，兵利卒頑，不與他等，因撫而有，順且無事。」大官臆決唱聲，萬口和附，并爲一談，牢不可破。皇帝曰：「惟天惟祖宗，所以付任予者，庶其在此。予何敢不力，況一二臣同，不爲無助。日光顏，汝爲陳許帥，維是河東魏、博、音郟、陽三軍之



在行者，汝皆將之。曰：重胤，汝故有河陽懷，今益以汝，維是朔方、義成、陝、益、鳳翔、延慶七軍之在行者，汝皆將之。曰：弘，汝以卒萬二千，屬而子公武往討之。曰：文通，汝守壽，維是宣武、淮南、宣、歙、浙西四軍之行於壽者，汝皆將之。曰：道古，汝其觀察鄂岳。曰：愬，汝帥唐、鄧、隨，各以其兵進戰。曰：度，汝長御史，其往視師。曰：度，惟汝予同，汝遂相予，以賞罰用命，不用命。曰：弘，汝其以節都統諸軍。曰：守謙，汝出入左右，汝惟近臣，其往撫師。曰：度，汝其往衣服、飲食予士，無寒無饑，以旣厥事，遂生蔡人，賜汝節斧，通天御帶，衛卒三百。凡茲廷臣，汝擇自從，惟其賢能，無憚大吏。庚申，予其臨門送汝。曰：御史，予閱士大夫戰甚苦，自今以往，非郊廟祠祀，其無用樂。顏胤武合攻其北，大戰十六，得柵城縣二十三，降人卒四萬。道古攻其東南，八戰，降萬三千；再入中，破其外城。文通戰其東，十餘遇，降萬二千。愬入其西，得賊將，輒釋不殺，用其策，戰比有功。十二年八月，丞相度至師，都統弘責戰益急，顏胤武合戰益用命。元濟盡并其衆，洄曲以備。十月壬申，愬用所得賊將，自文城，因天大雪，疾馳百

二十里，用夜半到蔡，破其門，取元濟以獻，盡得其屬人卒。辛巳，丞相度入蔡，以皇帝命赦其人，淮西平。大饗賚功。師還之日，因其食賜蔡人。凡蔡卒三萬五千，其不樂爲兵，願歸爲農者十九，悉縱之。斬元濟京師，冊功，弘加侍中，愬爲左僕射，帥山南東道。顏胤皆加司空。公武以散騎常侍，帥鄜坊丹延。道古進大夫。文通加散騎常侍。丞相度朝京師，道封晉國公，進階金紫光祿大夫，以舊官相，而以其副總爲工部尙書，領蔡任。既還奏，羣臣請紀聖功，被之金石，皇帝以命臣愈。臣愈再拜稽首，而獻文曰：唐承天命，遂臣萬邦。孰居近土，襲盜以狂。往在玄宗，崇極而圯。否音河北悍驕，河南附起。四聖不宥，屢興師征。有不能克，益戍以兵。夫耕不食，婦織不裳。輸之以車，爲卒賜糧。外多失朝，曠不嶽狩。百隸忘官，事亡其舊。帝時繼位，顧瞻咨嗟。惟汝文武，孰恤予家。既斬吳蜀，旋取山東。魏將首義，六州降從。淮蔡不順，自以爲強。提兵叫譴，歡音欲事故常。始命討之，遂連姦鄰。陰遣刺客，來賊相臣。方戰未利，內驚京師。羣公上言，莫若惠來。帝爲不聞，與神爲謀。乃相同德，以訖天誅。乃

敕顏胤，愬武古通。咸統於弘，各奏汝功。三方分攻，五萬其師。大軍北乘，厥數倍之。

常兵時曲，軍士蠢尹尺切蠢。既剪陵雲，蔡卒大窘。君上聲勝之邵陵，於建切郟城來降。自

夏入秋，復屯相望。兵頓不勵，告功不時。帝哀征夫，命相往釐。士飽而歌，馬騰於槽。

試之新城，賊遇敗逃。盡抽其有，聚以防我。西師躍入，道無留者。額同額蔡城，其疆

千里。既入而有，莫不順俟。帝有恩言，相度來宣。誅止其魁，釋其下人。蔡之卒夫，投

甲呼舞。蔡之婦女，迎門笑語。蔡人告饑，船粟往哺。蔡人告寒，賜以緡慈陵切布。始時

蔡人，禁不往來。今相從戲，里門夜開。始時蔡人，進戰退戮。今古案切吁而起，左餐右

粥。爲之擇人，以收餘德。蒲拜切選吏賜牛，教而不稅。蔡人有言，始迷不知。今乃大覺，

羞前之爲。蔡人有言，天子明聖。不順族誅，順保性命。汝不吾信，視此蔡方。孰爲不

順，往斧其吭。航音凡叛有數，聲勢相倚。吾強不支，汝弱奚恃。其告而長，而父而兄。奔

走偕來，同我太平。淮蔡爲亂，天子伐之。既伐而饑，天子活之。始議伐蔡，卿士莫隨。

既伐四年，小大並疑。不赦不疑，由天子明。凡此蔡功，惟斷乃成。既定淮蔡，四夷畢

來。遂開明堂，坐以治之。

【**稂莠**】害苗之草。【**薨**】除草。【**平夏**】元和元年三月，夏綏留後楊惠琳叛，夏州兵馬使張永金討斬之。【**平蜀**】劍南節

度使韋皋卒，行軍司馬劉闢自稱留後，元和元年正月，劉闢反，九月，東川節度副使高崇文擒之。【**平江東**】元和二年十月，鎮海節

度使李錡反，兵馬使張子良執錡送京師。【**平澤潞**】元和五年，昭義節度盧從史、陰興王承宗通謀，吐突承璀誘執從史送京師。按

以上紀年，碑文與史不同。【**定易定**】元和五年十月，義武節度使張茂昭，以定易二州歸于有司。【**致魏博**】元和七年十月，魏

博節度使田弘正，以所管六州歸於有司。【**貝儻澶相**】此四州爲魏博節度使所管，蓋兼魏博合六州也。【**蔡將死數句**】

元和九年閏八月，彰義節度使吳少陽卒，其子元濟攝蔡州刺史，懼喪以病聞，自領軍務，表請去兵，不許，十年正月，元濟反。【**舞陽**】

今河南舞陽縣。【**葉**】今河南葉縣。【**襄城**】今河南襄城縣。【**三姓四將**】廣德元年十月，以李忠臣爲淮西節度使，貞元

二年四月，以陳奇，十月以吳少誠，是爲三姓。大曆十四年三月，忠臣爲其將李希烈所逐，自爲節度，忠臣、希烈、少誠、少陽等，是爲四將。

【**光顏爲陳許帥**】元和九年十月，以陳州刺史李光顏爲忠武節度使，忠武管陳許二州。【**河東魏博節陽**】元和十年正

月，命宣武等十六道進軍討元濟，以光顏等分享行營，二月命神策軍部陽鎮遏將索日進，以澄原兵六百人會李光顏。郟陽縣名，唐屬

左馮湖，今屬陝西。【**重胤句**】元和九年閏八月，以河陽節度使烏重胤爲汝州刺史，充河陽懷汝節度使，徙隸汝州。【**義成陝**

【**益延慶**】義成管鄭滑二州。陝益，卽劍南東西川。延屬鄆坊丹延節度使。慶屬邠寧節度使。【**弘以卒二萬句**】元和十年九月，

以宣武節度使韓弘爲淮西諸軍都統，弘請使子公武以兵萬三千會蔡下，歸財與糧，以濟諸軍。【**文通守壽**】元和十年十二月，

以左金吾大將軍李文通爲壽州團練使。【**道古觀察鄂岳**】元和十一年，以黔州觀察使李道古爲鄂岳觀察使。【**憲帥唐**

鄧隨【元和十一年十二月，以太子詹事李勣爲鄧唐隨節度使。】度長御史句【裴度爲御史中丞，故云長。元和十年五月，帝

遣度詣行營宣慰，察用兵形勢。六月，以度爲中書侍郎，同平章事。十二年七月，度以宰相出爲淮西宣慰處置使，度奏刑部侍郎馬總爲

副使，右庶子韓愈爲行軍司馬判官書記。【守謙】奄人，元和十一年十一月，帝命知樞密梁守謙宣慰，因監其軍。【賜通天御

帶衛卒】元和十二年八月，度赴淮西詔以神策軍三百人衛從賜以犀帶。【臨門送汝】度行，帝御通化門送之。【入申二

句】元和十二年，道古攻申州，克其外郭。【得賊將句】元和十二年五月，淮西騎將李祐，率士卒劉麥於張柴村，李勣令廂虞侯

史用誠生禽以歸，待以客禮。【洄曲】一名時曲，在河南商水縣西南，潏水於此洄曲，故名。元和十二年四月，蔡人董昌齡以郟城降，

李光顏引兵入據之，元濟甚懼，時帝重質將騎軍守洄曲，元濟悉發親近及守城卒詣重質，以拒官軍。【文城】卽文城柵，在河南遂

平縣西南。【河北】安史平後，燕趙相繼而起。【河南】汴蔡之屬，居河南者。【四聖】肅、代、德、順。【姦鄰】指李師道。

【陰遣刺客二句】元和十年六月，宰相武元衡入朝，東平李師道遣刺客突出刺之，又擊裴度傷首。【三方句】顏胤胤合攻

其北，道古攻其東南，交通戰其東。【時曲】見上。元和十年五月，光顏大破賊於時曲。【陵雲】在今商水縣，故潏水城西南，當郟

城之東。元和十一年九月，光顏重胤，拔淮西陵雲柵。【邵陵】今河南郟城縣東，有邵陵故城。【郟城來降】元濟以董昌齡爲

郟城令，而質其母楊，楊謂昌齡曰：順死賢於逆生，汝去逆而吾死，乃孝子也；從逆而吾生，是戮吾也。置官軍進備郟城，昌齡乃舉城降，李

光顏入據之。【釐】理也。【額額】《虞書》同，晝夜額額，注肆惡無休也。【盱】睨也。【吭】咽也。

藍田縣丞廳壁記 藍田，今陝西藍田縣。

丞之職所以貳令，於一邑無所不當問。其下主簿尉。主簿尉乃有分職。丞位

藍田縣丞廳壁記

八三

高而偪，同例以嫌，不可否事。文書行，吏抱成案詣丞，卷同其前，鉗其淹切以左手，右

手摘紙尾雁鶩，木音行以進，平立睨，丞曰：當署。丞涉筆占位，署惟謹，目吏問可不

可？吏曰：得，則退，不敢略省，漫不知何事。官雖尊，力勢反出主簿尉下。諺數意慢必

曰丞，至以相訾，子音訾音丞之設，豈端使然哉？博陵崔斯立，種學績文，以蓄其有。泓

涵演池，移音日大以肆。貞元初，挾其能，戰藝於京師。再進，再屈千人。元和初，以前大

理評事，言得失黜官，再轉而為丞茲邑。始至，喟丘切曰：官無卑，顧材不足塞職。既

噤渠飲切不得施用，又喟曰：丞哉丞哉，余不負丞，而丞負余。則盡枿同去，牙角一躡

故跡，破崖岸而為之。丞廳故有記，壞漏汚不可讀。斯立易桷音與瓦，墁莫牢切

治壁，悉書前任人名氏。庭有老槐四行，南牆鉅竹千挺，儼立若相持，水漑雀貌切漑

循除鳴。斯立痛掃漑，對樹二松，日哦其間。有問者輒對曰：「余方有公事，子姑去。」

考功郎中知制誥韓愈記。

【鉗】劫束之義。【雁鶩行】行如雁鶩之舒而不疾鶩鴨也。【睨】邪視。【諺數慢二句】數，頻也。諺語謂以丞為慢人之

語。【警警】毀也。【博陵崔斯立】字立之，貞元四年進士，博陵唐置郡，治今河北定縣。【泓涵演迤】如水之宏深迤曲。

【噤】口閉不言。【枿去牙角三句】枿，伐木餘也。此作除去解。牙角，猶廉隅。蹶，蹈也。崖岸，借喻高傲，此言姑爲順俗圓轉也。

【桷】椽之方者。【塤】牆壁之飾。【漑漑】水聲。【除】階也。

### 鄆州谿堂詩

并序。

憲宗之十四年，始定東平，三分其地。以華州刺史禮部尙書兼御史大夫扶

風馬公爲鄆

音

曹濮節度觀察等使，鎮其地。旣一年，褻其軍號曰天平軍。上卽位

之二年，召公入，且將用之，以其人之安公也，復歸之鎮。上之三年，公爲政於鄆曹

濮也，適四年矣。治成制定，衆志大固。惡絕於心，仁形於色。搏專局心一力，以供國家

之職。於時沂密始分而殘其帥，其後幽鎮魏不悅於政，相繼扇同變，復歸於舊。徐

亦乘勢逐帥自置，同於三方。惟鄆也，截然中居，四鄰望之，若防之制水，恃以無恐。

然而皆曰鄆爲虜巢，且六十年，將彊卒武。曹濮於鄆，州大而近，軍所根柢，皆驕以

易怨。而公承死亡之後，掇拾之餘，剝膚椎音髓悉委，公私掃地赤立，新舊不相保

持萬日睽

不音睽

公於此時能安以治之，其功爲大。若幽鎮魏徐之亂，不扇而變，此

功反小，何也？

公之始至，衆未熟化，以武則忿，以憾以恩則橫而肆。一以爲赤子，一

以爲龍蛇，憊

備音憊

心罷

疲同

精磨以歲月，然後致之難也。及教之行，衆皆戴公爲親父

母。夫畔父母，從仇讐，非人之情，故曰易。於是天子以公爲尙書右僕射，封扶風縣

開國伯，以褒嘉之。公亦樂衆之和，知人之悅，而侈上之賜也。於是爲堂於其居之

西北隅，號曰谿堂。以饗士大夫，通上下之志。旣饗，其從事陳曾謂其衆曰：「公畜

之此邦，其勤不亦至乎！此邦之人，纍公之化，惟所令之，不亦順乎！上勤下順，遂濟

登茲，不亦休乎！昔者人謂斯何？今者人謂斯何？雖然，斯堂之作，意其有謂而暗

無詩歌，是不考引公德，而接邦人於道也。」乃使來請其詩曰：

帝奠九壎，壎同有葉有年。有荒不條，河岱之間。及我憲考，一收正之。視邗選侯，以公

來尸。公來尸之，人始未信。公不飲食，以訓以徇。孰饑無食，孰呻孰歎，孰冤不問，不

得分願。孰爲邦蝨，音音節根之螟。羊很狼貪，以口覆城。吹之煦之，摩手拊之。箴



之石之膊音而磔音之。凡公四封，既富以彊，謂公吾父，孰違公令，可以師征，不寧

守邦。公作谿堂，播播流水，淺有蒲蓮，深有蒹葦音。公以賓燕，其鼓駭駭。公燕

谿堂，賓校醉飽，流有跳魚，岸有集鳥。既歌以舞，其鼓考考。公在谿堂，公御琴瑟。公

暨賓贊，稽經誼音律。施用不差，人用不屈。谿有蓂莢音，荏苒音有龜有魚。公在中流，右

詩左書，無我數遺，此邦是麻。音

【憲宗】名純，順宗子。【始定東平】唐鄆州，亦曰東平郡，領縣三，治今山東東平縣。憲宗十四年，平盧都知兵馬使劉悟殺其節

度使李師道以降，青淄十二州皆平。【三分其地】馬於陵為淄青宣慰使，分其地為三道：以鄆、曹、濮為一道，馬總鎮之；青、齊、萊

為一道，薛平鎮之；兗、沂、密為一道，王遂鎮之。鄆，見上。濮州，治今山東濮縣。曹州，治今山東曹縣。【華州】治今陝西華縣。【馬

公】名總，字會元，系出扶風。【天平軍】憲宗十五年六月，鄆、曹、濮等處節度使，賜號天平軍。【上之三年】穆宗長慶二年。

【沂密殘帥】沂州，治今山東臨沂縣；密州，治今山東諸城縣。元和十四年，沂海將王弁殺其觀察使王遂，自稱留後。【幽鎮魏

繼變】幽州，治今京兆薊縣；鎮州，治今河北正定縣；魏州，治今河北大名縣。長慶元年，幽州盧龍軍都知兵馬使朱克融，囚其節度使張

弘靖以反，同時成德軍大將王庭湊殺其節度使田弘正，亦反。二年，魏博節度使田布自殺。兵馬使史憲誠自稱留後。【徐遂帥】徐

州，治今江蘇銅山縣。長慶二年，武寧軍節度使副使王智興，逐其節度使崔羣。【三方】幽、鎮、魏也。【鄆為虜巢句】謂永泰元

年，以平盧兵馬使李正己為本軍節度使，傳子納，納子師道，至元和十四年敗，凡五十五年。【掃地亦立】言無有也。【際際】

相顧貌。【暗】不能言也。【九壤】九州。【河岱】黃河、泰山。【蝨】食稻根蟲。【螟】害稻之蟲。【膊磔】分裂肢體。

【諛】諛也，容事爲諛。【蒼葦】蒼，浮萍。葦，雕胡，卽今茭白。【數】屨也。【麻】庇也。

### 畫記

雜古今人物小畫共一卷。騎而立者五人，騎而被甲載兵立者十人，一人騎執大旗前立，騎而被甲載兵，行且下牽者十人，騎且負者二人，騎執器者二人，騎擁田犬者一人，騎而牽者二人，騎而驅者三人，執羈勒<sub>的</sub>立者二人，騎而下倚馬臂隼而立者一人，騎而驅涉者二人，徒而驅牧者二人，坐而指使者一人，甲冑手弓矢鈇<sub>盾</sub>鉞<sub>越</sub>植者七人，甲冑執幟<sub>昌志切</sub>植者十人，負者七人，偃寢休者二人，甲冑坐睡者一人，方涉者一人，坐而脫足者一人，寒附火者一人，雜執器物役者八人，奉壺矢者一人，舍而具食者十有一人，挹且注者四人，牛牽者二人，驢驅者四人，一人杖而負者，婦人以孺子載而可見者六人，載而上下者三人，孺子戲者九人，凡人之事，三十有二，爲人大小百二十有三，而莫有同者焉。馬大者九匹，於馬

之中，又有上者，下者，行者，牽者，涉者，陸者，翹者，顧者，鳴者，寢者，訛音禾者，立者，人立者，齧音紇者，飲者，洩音搜者，陟者，降者，痒同癢，磨樹者，噓者，嗅者，喜相戲者，怒相踉音弟，嚙音同者，秣音末者，騎者，驟者，走者，載服物者，載狐兔者，凡馬之事，二十有七，爲馬大小八十有三，而莫有同者焉。牛大小十一頭。橐駝三頭。驢如橐駝之數而加其一焉。隼一。犬羊狐兔麋鹿共三十。旃音通車三兩。雜兵器弓矢旌旗刀劍矛楯弓服矢房甲冑之屬，餅孟音登筮笠篋音技筥錡音技釜飲食服用之器，壺矢博弈之具，二百五十有一，皆曲極其妙。貞元甲戌年，余在京師，甚無事。同居有獨孤生申叔者，始得此畫，而與余彈碁，余幸勝而獲焉。意甚惜之，以爲非一工人之所能運思，蓋橐音同集衆工人之所長耳，雖百金不願易也。明年出京師，至河陽，與二三客論畫品格，因出而觀之。座有趙侍御者，君子人也。見之戚然若有感，然少而進曰：噫！余之手模也，亡之且二十年矣。余少時，常有志乎茲事，得國本，絕人事而摹得之，遊閩中而喪焉。居閒處獨，時往來余懷也。以其始爲之勞，而夙好之篤也。今雖遇之，力不能

爲己。且命工人存其大都焉，余旣甚愛之；又感趙君之事，因以贈之，而記其人物之形狀與數，而時觀之，以自釋焉。

【羈勒】羈、馬絡頭勒、馬羈也。

【隼】鷹類中最小者。

【鈇鉞】斧也，大斧曰鈇。

【植】立也。

【訛】訛也，聲也。

【齧】齧也。

【跽】跽也。

【秣】飼也。

【驟】馬疾步也。

【笠】笠之有柄可執者。

【錡】釜有足者。

【彈棊】

（柳子厚序棊云）木

局隆其中而規焉，其下方以直置棊二十有四，貴者半，賤者半，貴曰上，賤曰下，咸自第一至十二，下者二乃敵一，用朱鑿以別焉。

【河

陽】今河南孟縣。【國本】國手之本。

### 南海神廟碑

廟在今廣東番禺縣東南波羅江上，廟有波羅樹，大可數十圍，俗名波羅廟。

海於天地間，爲物最鉅。自三代聖王，莫不祀事。考於傳記，而南海神次最貴，在北東西三神河伯之上，號爲祝融。天寶中，天子以爲古爵莫貴於公侯，故海嶽之祀，犧幣之數，放仿同而依之，所以致崇極於大神。今王亦爵也，而禮海嶽，尙循公侯之事，虛王儀而不用，非致崇極之意也。由是冊尊南海神爲廣利王，祝號祭式，與次俱升；因其故廟易而新之。在今廣州治之東南，海道八十里，扶胥之口，黃木

之灣。常以立夏氣至，命廣州刺史行事祠下，事訖，驛聞，而刺史常節度五嶺諸軍，仍觀察其郡邑，於南方事，無所不統。地大以遠，故常選用重人。既貴而富，且不習海事；又當祀時，海常多大風，將往，皆憂惑。既進，觀顧怖悸，故常以疾爲解，而委事於其副，其來已久。故明宮齋廬，上雨旁風，無所蓋障。牲酒瘠酸，取具臨時。水陸之品，狼籍籩豆。薦祿音音興俯，不中儀式。吏滋不供，神不顧享。盲風怪雨，發作無節，人蒙其害。元和十二年，始詔用前尙書右丞、國子祭酒、魯國孔公爲廣州刺史，兼御史大夫，以殿丁練切南服。公正直方嚴，中心樂易，祇慎所職。治人以明，事神以誠。內外單盡，不爲表襮。音音至州之明年，將夏，祝册自京師至，吏以時告，公乃齋祓。音音視册誓羣，有司曰：「册有皇帝名，乃上所自署。其文曰：『嗣天子某，謹遣官某敬祭。』」其恭且嚴如是，敢有不承。明日，吾將宿廟下，以供晨事。明日，吏以風雨白，不聽。於是州府文武吏士凡百數，交謁更諫，皆揖而退。公遂陞舟，風雨少弛。音音夫奏功，雲陰解駁，日光穿漏，波伏不興。省牲之夕，載暘載陰。將事之夜，天地開除，月星明

概。凡利切五鼓既作，牽牛正中。公乃盛服執笏，以入卽事。文武賓屬，俯首聽位，各執

其職。牲肥酒香，罇爵靜潔。降登有數，神具醉飽。海之百靈祕怪，恍惚畢出。蜿鴛音蜿

蛇。移音來享飲食。闔廟旋臚，祥飗標音送颿。帆同旒纛道音旄麾，飛揚掩暗同藹。鏡鼓嘲轟，

橫音高管噉叫音噪。武夫奮權，工師唱和。穹龜長魚，踴躍後先。乾端坤倪，軒豁呈露。祀

之之歲，風災息滅。人厭魚蟹，五穀胥熟。明年祀歸，又廣廟宮而大之，治其庭壇，改

作東西兩序，齋庖之房，百用具修。明年其時，公又固往，不懈益虔。歲仍大和，耄結徒

切艾歌詠。始公之至，盡除他名之稅，罷衣食於官之可去者。四方之使，不以資交。

以身爲帥，同燕享有時，賞與以節。公藏私蓄，上下與足。於是免屬州負逋之緡音

錢。甘有四萬，米三萬二千斛。賦金之州，耗金一歲八百，困不能償，皆以丐之。加西

南守長之俸，誅其尤無良不聽令者，由是皆自重慎法。人士之落南不能歸者，與

流徙之冑百廿八族，用其才良而廩其無告者。其女子可嫁，與之錢財，令無失時。

刑德並流，方地數千里，不識盜賊。山行海宿，不擇處所。事神治人，其可謂備至耳。

矣。咸願刻廟石，以著厥美，而繫以詩。乃作詩曰：

南海陰墟，祝融之宅。卽祀於旁，帝命南伯。吏惰不躬，正自今公。明用享錫，右我家邦。惟明天子，惟慎厥使。我公在官，神人致喜。海嶺之陬，旣足旣濡。胡不均弘，俾執事樞。公行勿遲，公無遽歸。匪我私公，神人具依。

【河伯】抱朴子馮夷於八月上庚日渡河溺死，天帝署爲河伯。

【祝融】太公金匱南海神曰祝融，東海神曰句芒，北海神曰顯

頊，西海神曰蓂收。

【廣利王】天寶十年正月，封東海廣德王，南海廣利王，西海廣潤王，北海廣澤王。

【祝號二句】武德貞觀

之制，四海年別一祭，各以五郊迎氣日祭之，祀官以當界都督刺史充，至是封王，分命卿監十三人，取三月十七日一時備禮兼冊制祭。

【扶胥口】扶胥鎮，在番禺縣東南三江口。

【刺史節度五嶺諸軍】唐制，嶺南爲五府，而嶺南節度使，觀察四府事。【裸】

始祭，酌醴之酒，灌地以降神。

【盲風怪雨】盲風，疾風也。禮月令仲秋之月，盲風至。山海經符陽之山，多怪雨。

【孔公】

名弒，字君勝，巢父子，元和十二年七月，以孔弒爲嶺南節度使。【以殿南服】殿，定也。南服，猶言南方。【縷】表也，白表白於外也。

【皇帝名】唐德宗，唐肅宗，附中使送往。

【概】猶多也。何晏景福殿賦：概若四星之灑。【牽牛】星名。禮月

令：季春之月，且牽牛中。【蜿蜿蛇虵】蜿蜿，龍狀也。張衡西京賦：海鱗變而成龍，狀蜿蜿以蠃蠃。蛇虵，安舒貌，亦作蛇蛇。詩小

雅：蛇蛇碩言。【旛藹】旛旗蔽日貌。【耄艾】老也，八十曰耄，五十曰艾。

## 泮州東西水門記

并序

貞元十四年正月戊子，隴西公命作東西水門。越三月辛巳朔，水門成。三日癸未，大合樂，設水嬉，會監軍軍司馬賓佐僚屬，將校熊羆之士，肅四方之賓客，以落之。士女和會，闔郭溢郭。既卒事，其從事昌黎韓愈，請紀成績。其詞曰：

維汴州河水自中注，厥初距河爲城。其不合者，誕寘至音連鎖於河。宵浮晝泚，舟不潛通。然其襟抱虧疏，風氣宣洩。邑居弗寧，訛言屢騰。歷載以來，孰究孰思。皇帝御天下，有八載。此邦之人，遭逢疾威。囂音童噉同，呼同劫衆阻兵。懍懍栗栗，若墜若覆。時維隴西公受命作藩，爰自洛京，單車來臨。遂拯其危，遂去其疵。弗肅弗厲，薰爲太和。神應祥福，五穀穰熟。既庶而豐，人力有餘。監軍是咨，司馬是謀。乃作水門，爲邦之郭。以固風氣，以閤音寇偷。黃流渾渾，飛閣渠渠。因而飾之，匪爲觀游。天子之武，維隴西公是布。天子之文，維隴西公是宣。河之沄音沄，源於崑崙。天子萬祀，公多受祉。乃伐山石，刻之日月。尙俾來者，知作之所始。

【隴西公】帝晉也，字混成，河中虞鄉人。

【水嬉】水上嬉戲之舉。

【落】建築始成所行之禮。

【闔】滿也。

【郭】城外大郭。



【汴州】治今河南封縣。【誕】大也，或爲發語辭。【遭逢疾威三句】時汴有亂事。【歸】愚也。【閉】里門，此作扞禦解。【渾渾】混流聲。【渠渠】深廣貌。《詩》於我乎夏屋渠渠。【云云】水轉濬貌。【崑崙】亞洲最大山脈之一，河源出於青海巴顏哈喇山，即中崑崙。

## 處州孔子廟碑

自天子至郡邑守長，通得祀而徧天下者，惟社稷與孔子爲然；而社祭土，稷祭穀，句音龍與弃，棄同乃其佐享，非其專主；又其位所，不屋而壇，豈如孔子用王者事，巍然當座，以門人爲配，自天子而下，北面跪祭，進退誠敬，禮如親弟子者，句龍弃以功，孔子以德，固自有次第哉。自古多有以功德得其位者，不得常祀，句龍弃孔子，皆不得位而得常祀，然其祀事，皆不如孔子之盛，所謂「生人以來，未有如孔子者。」其賢過於堯舜遠矣，此其效歟？郡邑皆有孔子廟，或不能修事，雖設博士弟子，或徃於有司，名存實亡，失其所業。獨處州刺史鄴業音侯李繁至官，能以爲先。既新作孔子廟，又令工改爲顏子至子夏十人像，其餘六十子，及後大儒

公羊高、左邱明、孟軻、苦何切、荀況、伏生、毛公、韓生、董生、高堂生、揚雄、鄭玄等數十人，

皆圖之壁。選博士弟子，必皆其人。又爲置講堂，教之行禮，肄習其中。置木錢廩米，

令可繼歲以守。廟成，躬率吏及博士弟子入學，行釋菜禮。耆老歎嗟，其子弟皆興

於學。鄴侯尙文，其於古記無不貫達，故其爲政，知所先後，可歌也已！乃作詩曰：

惟此廟學，鄴侯所作。厥初庠音音，下神不以字。生師所處，亦窘寒暑。乃新斯宮，神降

其獻。講讀有常，不戒用勸。居謁切揭元哲，有師之尊。羣聖嚴嚴，大法以存。像圖孔

肖，咸在斯堂。以瞻以儀，俾不或忘。後之君子，無廢成美。琢詞碑石，以贊攸始。

【句龍】炎帝十一世孫，能平九州，齊土地之宜，爲顓頊正，後祀爲后土之神。【弃】帝嚳子，開始祖，堯時爲農師，舜時爲后稷，後

祀爲先農。【門人爲配】開元二十七年八月，追諡孔子文宣王，南面而坐，以顏子配享。【李繁】泌之子。【顏子至子夏

十人】顏淵、閔子騫、冉伯牛、仲弓、宰我、子貢、冉有、季路、子游、子夏。【公羊高等】貞觀二十一年，詔左丘明、公羊高、毛萇、鄭玄、伏勝、

高堂生等廿一人，春秋行釋奠之禮，而無孟軻、荀況、韓嬰、董仲舒、揚雄等。伏生即伏勝，毛公即毛萇。韓生名嬰，董生名仲舒，高堂生能言

禮。見《漢書儒林傳》。【釋菜】古者士之見師，以菜爲贄，故始入學者，必釋菜以祀其先師，其學官四時之祭，乃皆釋奠，釋奠有樂無

尸，釋菜則無樂。

# 衢州徐偃王廟碑

廟在今龍游縣西四十里靈山下。

徐與秦俱出栢翳，

於計切

爲嬴姓國於夏殷周世，咸有大功。秦處西偏，專用武

勝，遭世衰，無明天子，遂虎吞諸國爲雄。諸國既皆入秦爲臣屬，秦無所取利，上下

相賊害，卒償

音奮

其國而沈其宗。徐處得地中，文德爲治，及偃王誕當國，益除去刑

爭末事，凡所以君國子民待四方，一出於仁義。當此之時，周天子穆王無道，意不

在天下，好道士說，得八龍騎之西遊，同王母宴於瑤池之上，歌謳忘歸，四方諸侯

之爭辨者，無所質正，咸賓祭於徐，贄玉帛死生之物於徐之庭者，三十六國，得朱

弓赤矢之瑞。穆王聞之，恐遂稱受命，命造父御，長驅而歸，與楚連謀伐徐。徐不忍

鬪其民，北走彭城武原山下，百姓隨而從之，萬有餘家。偃王死，民號其山爲徐山，

鑿石爲室，以祠偃王。偃王雖走死失國，民戴其嗣，爲君如初。駒王章禹，祖孫相望，

自秦至今，名公巨人，繼跡史書。徐氏十望，其九皆本於偃王，而秦後迄茲無聞家。

天於栢翳之緒，非偏有厚薄施，仁與暴同之報，自然異也。衢州故會稽太音末也。

民多姓徐氏，支縣龍邱有偃王遺廟。或曰：「偃王之逃戰，不之彭城，之越城之隅，

棄玉几研於會稽之水。」或曰：「徐子章禹既執於吳，徐之公族子弟，散之徐揚

二州間，卽其居立先王廟云。」開元初，徐姓二人，相屬爲刺史，帥其部之同姓，改

作廟屋，載事於碑。後九十年，當元和九年，而徐氏放，復爲刺史。放字達夫，前碑所

謂今戶部侍郎，其大父也。春行視農，至於龍邱，有事於廟，思惟本原，曰：「故制物

粗樸下窄，不足以揭虔妥靈；而又梁桷赤白，陀剝不治。圖像之威，黜昧就

滅。藩拔級夷，庭木禿缺。同祈毗日慢，祥慶弗下。州之羣支，不獲蔭庥。余惟遺紹，而

尸其土，不卽不圖，以有資聚，罰其可辭。」乃命因故爲新，衆工齊事。惟月若日，工

告訖功。大祠於廟，宗卿咸序。應是歲，州無怪風劇雨，民不夭厲，穀果完實。民皆曰：

「耿耿社哉，其不可誣。」乃相與請辭京師，歸而鑱上之於石。辭曰：

秦傑以顛，徐由遜縣。秦鬼久饑，徐有廟存。婉婉偃王，惟道之耽。以國易仁，爲笑於

頑。自初擅命，其實幾姓。歷短詈長，有不償亡。課有利害，孰與王當。姑蔑之墟，太末之里。誰思王恩，立廟以祀。王之聞孫，世世多有。惟臨茲邦，廟土實守。堅嶠音轄之後，達夫廓之。王歿萬年，如始附音附時。王孫多孝，世奉王廟。達夫之來，先慎詔教。盡惠廟民，不主於神。維是達夫，知孝之元。太末之里，姑蔑之城。廟事時修，仁孝振聲。宜寵其人，以及後生。嗟嗟維王，雖古誰亢。王死於仁，彼以暴喪。文追作誄，刻示范茫。

【徐秦俱出栢翳】（史記秦本紀）大業之子曰大費，是爲栢翳，舜賜姓嬴氏。栢翳二子，太廉之後爲秦，若木之後爲徐。【咸有大功】（秦本紀）太廉玄孫孟戲中衍，股帝太戊以爲御而妻之，自太戊以下，中衍之世，以佐股國，故嬴姓多顯，遂爲諸侯。若木支孫費

昌，當夏桀時，去夏歸商，爲股御，以敗桀於鳴條。【秦處西偏】中衍曾孫曰戎軒，軒生仲湑，湑生飛廉，廉生惡來，來生女防，防生

旁皇，皇生大几，几生大駟，駟生非子，周孝王以爲附庸，邑之於秦。【周穆王】名誦，（左昭）穆王欲肆其心，周行天下，將必有車轍

馬跡焉。【八龍】（列子）周穆王駕八駿之乘，西征崑崙，八駿：驪、騄、綠耳、赤驥、白羲、渠黃、踰輪、盜驪，山子。【同上母宴二句】

（穆天子傳）穆王見西王母，觴於瑤池之上，母爲天子謠曰：白雲在天，山陵自出。道里悠遠，山川間之。將子無死，尚能復來。天子答曰：予

歸東土，和治諸夏。萬民平均，吾願見汝。比及三年，將復而野。【朱弓赤矢】（博物志）殷王欲舟行上國，乃迫溝陳蔡之間，得朱弓

赤矢，以爲得天瑞，遂因名爲弓，自稱偃王，江淮諸侯服從者三十六國。【造父】飛廉支孫。【長驅而歸】（秦本紀）徐偃王作

亂，造父爲穆王御，長驅歸周，與楚熊勝連謀伐徐。按偃王之滅，（徐漢書）以爲楚文王，而時代不符。【彭城武原山】彭城，郡名，治

今江蘇銅山縣。武原山，在今邳縣西南，一名徐山。（元和郡縣志）徐偃王北走彭城，武原東山之下，百姓歸之，號曰徐山。按徐山有二，一

在銅山縣。【駒王】（禮檀弓）邾婁考公之喪，徐君使容居來弔，令曰：先君駒王西討。【章禹】（左昭）吳滅徐，徐亡章禹斷其髮

以奔楚。【會稽太末】（衢州在漢時，爲會稽郡太末縣地，卽春秋時姑蔑也，唐改爲游縣。【龍邱】山名，在龍游縣東，此云支縣，

卽指龍游。【徐姓二人】徐堅，字元固，徐晦，字玉山。【隆】壞也。【黜】深黑也。【鏡】刻也。【姑蔑】今龍游縣北有姑

蔑故城。（國語）勾踐之地，西至姑蔑。【祔】祭也。說文）後死者合食於先祖。

### 柳州羅池廟碑

廟在廣西馬平縣，祀唐刺史柳宗元。

羅池廟者，故刺史柳侯廟也。柳侯爲州，不鄙夷其民，動以禮法。三年，民各自矜奮。茲土雖遠京師，吾等亦天氓，今天幸惠仁侯，若不化服，我則非人。於是老少相教語，莫違侯令，凡有所爲於其鄉閭及於其家，皆曰：「吾侯聞之，得無不可於意否？」莫不忖度而後從事。凡令之期，民勸趨之，無有後先，必以其時。於是民業有經，公無負租。流逋四歸，樂生興事，宅有新屋，步有新船。池園潔修，豬牛鴨雞，肥大蕃息。子嚴父詔，婦順夫指，嫁娶葬送，各有條法。出相弟同長，人相慈孝。先時民貧，以男女相質，久不得贖，盡沒爲隸。我侯之至，按國之故，以備除本，悉奪歸之。大

修孔子廟，城郭巷道，皆治使端正，樹以名木。柳民既皆悅喜，嘗與其部將魏忠、謝寧、歐陽翼飲酒驛亭，謂曰：「吾棄於時，而寄於此，與若等好也；明年，吾將死，死而爲神，後三年，爲廟祀我。」及期而死。三年孟秋辛卯，侯降於州之後堂，歐陽翼等見而拜之。其夕，夢翼而告曰：「館我於羅池。」其月景辰廟成，大祭，過客李儀醉酒，慢侮堂上，得疾，扶出廟門，卽死。明年春，魏忠、歐陽翼使謝寧來京師，請書其事於石。余謂柳侯生能澤其民，死能驚動禍福之，以食其土，可謂靈也已！作迎享送神詩，遺柳民，俾歌以祀焉。而并刻之。柳侯，河東人，諱宗元，字子厚，賢而有文章，嘗位於朝，光顯矣，已而擯不用。其辭曰：

荔子丹兮蕉黃，雜肴蔬兮進侯堂。侯之船兮兩旗，度中流兮風泊之。待侯不來兮，不知我悲。侯乘駒兮入廟，慰我民兮不嘖以笑。鵝之山兮柳之水，桂樹團團兮白石齒齒。侯朝出游兮暮來歸，春與猿袁音吟兮秋鶴與飛。北方之人兮，爲侯是非。千秋萬歲兮，侯無我違。福我兮壽我，驅厲鬼兮山之左。下無苦溼兮，高無乾。稊庚音稌

徒音充羨兮，蛇蛟結蟠。我民報事兮無怠，其始自今兮欽於世世。

【羅池】在馬平縣東。

【柳侯爲州】元和十年三月，以永州司馬柳宗元爲柳州刺史，十四年十月，宗元卒。

【步】水際曰步。

【三年】長慶三年。

【景辰】卽丙辰，以諱改此。

【鵝山】在馬平縣西，（明一統志）謂山巔有石如鵝。

【柳水】卽柳江，在馬

平縣南。

【團團】團聚貌。

【齒齒】排列貌。

【北方之人】柳家河東，北方人也。

【杭稔】杭，稻之不黏而晚熟者，俗作粳。

稔，糯稻也。

## 袁氏先廟碑

袁公滋既成廟。明歲二月，自荆南以旂節朝京師，留六日，得壬子春分，率宗親子屬，用少牢於三室。既事，退言曰：「嗚呼！遠哉！維世傳德，夔訓集余，乃今有濟。今祭旣不薦金石音聲，使工歌詩，載烈象容，其奚以飭稚昧於長久。惟敬繫羊豕，幸有石，如具著先人名跡，因爲詩繫之語下，於義其可。雖然，余不敢，必屬篤古而達於詞者。」遂以命愈，愈謝非其人，不獲命，則謹條袁氏本所以出，與其世系里居起周歷漢魏晉拓跋魏周隋入國家以來，高曾祖考所以劬躬燾後，委祉於公。



公之所以逢將承應者有概有詳，而綴以詩。其語曰：周樹舜後陳，陳公子有爲大  
夫食國之地，袁鄉者，其子孫世守不失，因自別爲袁氏。春秋世，陳常壓於楚，與中  
國相加尤疏，袁氏猶班班見，可譜。常居陽夏，陽夏至晉，屬陳郡，故號陳郡袁氏。博  
士固，申儒遏黃，唱業於前。至司徒安，懷德於身，袁氏遂大顯。連世有人，終漢連魏，  
晉分仕南北，始居華陰，爲拓跋魏鴻臚，鴻臚諱恭，生周梁州刺史新縣孝侯諱穎，  
孝侯生隋左衛大將軍諱溫，去官華陰，武德九年，以大臺薨，始葬華州。左衛生南  
州刺史諱士政，南州生當陽令諱倫，於公爲曾祖。當陽生朝散大夫石州司馬諱  
知玄，司馬生贈工部尙書咸寧令諱曄，是爲皇考。袁氏舊族，而當陽以通經爲儒。  
位止縣令。石州用春秋持身治事，爲州司馬以終。咸寧備學而貫以一，文武隨用，  
謀行功從。出入有立，不爵於朝。比三世宜達而空。歸成後人，數當於公。公惟曾大  
父大父皇考比三世，存不大夫食，歿祭在子孫，惟將相能致備物，世彌遠，禮則益  
不及，在慎德行業治，圖功載名，以待上可，無細大，無敢不敬畏。無早夜，無敢不思。

成於家，進於外，以立於朝。自侍御史，歷工部員外郎，祠部郎中，諫議大夫，尙書右丞，華州刺史，金吾大將軍，由卑而鉅，莫不官稱。遂爲宰相，以贊辨章，仍持節將蜀滑荆襄，略苞河山，秩登祿富，以有廟祀，具如其志。又垂顯刻，以教無忘，可謂大孝。詩曰：

袁自陳分，初尙蹇連。越秦造漢，博士發論。司徒任德，忍不錮人。收功厥後，五公重尊。晉氏於南，來處華下。鴻臚孝侯，用適操舍。南州勤治，取最不懈。當陽耽經，惟義之畏。石州烈烈，學專春秋。懿哉咸寧，不名一休。趨難避成，與時泛浮。是生孝子，天子之宰。出把將符，羣州承楷。數以立廟，祿以備器。由曾及考，同堂異置。柏板松楹，其筵肆肆。惟袁之廟，孝孫之爲。順勢卽宜，以諏以龜。以平其蠚，義屋牆持持。孝孫來享，來拜廟庭。陟堂進室，親登籩飗。音利肩膺奴報切。胎音博骼音格。其尊玄清。降登受胙，于慶爾成。維曾維祖，維考之施。於爾孝嗣，以報以祇。凡我有今，非本曷思。刻詩牲繫，惟以告之。

【袁滋】字德深，零州朗山人。德宗時，歷官彰義節度使，遷湖南觀察使，累封淮陽郡公。【少牢】羊也。【石】磨鞋之碑。（禮祭義）祭之日，率牲入廟門，屬於碑。歷擊也。【拓跋魏】見柳子厚墓誌銘注。【周樹句】樹立也。（史記）武王克殷，求舜後，得姁滿，封之陳。【袁氏猶班班句】如袁濤塗，袁僑，濤塗（左傳）作幘（穀梁）（法言）（釋文）皆作袁。【陽夏】今河南太康縣。【固】幘固，漢所人，以治詩，孝景時爲博士。竇太后好老子書，召問固，固曰：此家人言耳。太后怒曰：安得司空城旦書乎？【安】字邵公，後漢汝陽人，仕終司徒。【華陰】今陝西華陰縣。【臺】八十九十皆曰臺。【武德】高祖年號。【華州刺史】貞元十六年，滋自尙書右丞任此。【金吾大將軍】貞元二十一年，拜金吾大將軍。【辨章】分辨章明百姓之氏族，辨與便平通。（史記）便章百姓，（書）作平。【持節句】永貞元年十月，滋爲西川節度使；元和元年十月，徙義成軍節度使；八年正月，自戶部尙書出爲山南東道節度；九年九月，徙荆南節度；蜀謂西川，滑謂義成，襄謂山南東道，荆謂荆南。【塞連】困難也。（易）往蹇來連。（蔡邕賦）塗迤邐其蹇連兮。【忍不鋼人】漢明帝時，袁安爲河南尹，未嘗以臧罪鞠人，嘗曰：凡學仕者，高則望宰相，下則希牧守，鋼人於聖世，所不忍爲。【五公】安章帝時，爲司徒，二子京敞，京子湯，字仲河，桓帝時太尉。湯子逢，字周陽，靈帝時司空。逢弟隗，字次陽，獻帝時太傅。京弟敞，字叔平，安帝時司空，凡四世五公。【幘】隙也。（法言）幘可抵乎？【簞】食器，編竹爲之。【銅】盛羹之器。【肩膊胎骼】腦，臂節也。（禮少儀）其禮太牢，則以牛左肩膊腦折九箇（儀禮）臂腦脰胎，脊也。（儀禮士喪禮）去蹄兩胎脊脊，胎爲獸骨也，四者皆所薦之羞。

## 烏氏廟碑

元和五年，天子曰：盧從史始立議，用師於恆，乃陰與寇連，夸謾兇驕，出不遜言，其執以來。其四月中，貴人承瓘，上罪切，卽誘而縛之，其下皆甲以出，操兵趨譚，牙門都將烏公重胤當軍門叱曰：天子有命，從有賞，敢違者斬。於是士皆斂兵還營，卒致從史京師。壬辰，詔用烏公爲銀青光祿大夫，河陽軍節度使，兼御史大夫，封張掖郡開國公。居三年，河陽稱治，詔贈其父工部尙書，且曰：其以廟享，卽以其年營廟於京師崇化里。軍佐竊議曰：「先公旣位常伯，而先夫人無加命，號名差卑，於配不宜。」語聞，詔贈先夫人劉氏，沛國太夫人。八年八月，廟成，三室同宇，祀自左領府君而下，作主於第。乙巳，升於廟。烏氏著於春秋，譜於世本，列於姓苑，在莒者存，在齊有餘枝鳴，皆爲大夫。秦有獲，爲大官。其後世之江南者家鄱陽，處北者家張掖，或入夷狄，爲君長。唐初，察爲左武衛大將軍，實張掖人。其子曰令望，爲左領軍衛大將軍。孫曰蒙，爲中郎將，是生贈尙書諱承玘，此音字某。烏氏自莒齊秦大夫以來，皆以材力顯，及武德以來，始以武功爲名將家。開元中，尙書管平盧先鋒

軍屬破奚契乞音丹，從戰捺難入祿，走可突干。渤海擾海上，至馬都山，吏民逃徙失

業，尚書領所部兵塞其道，塹七豔切原壘石，繇四百里，深高皆三丈，寇不得進，民還

其居，歲罷運錢三十萬餘。黑水室韋以騎五千來屬，麾下邊威益張。其後與耿仁

智謀，說史思明降；思明復叛，尚書與兄承恩謀殺之，事發族夷，尚書獨走免；李光

弼以聞，詔拜冠軍將軍，守右威衛將軍，檢校殿中監，封昌化郡王，石嶺軍使，積粟

厲兵，出入耕戰，以疾去職。貞元十一年二月丁巳，薨於華陰告平里，年若干，卽葬

於其地。二子，大夫爲長，季曰重元，爲某官。銘曰：

烏氏在唐，有家於初。左武左領，二祖紹居。中郎少卑，屬於尚書。不償其勞，乃相大

夫。授我戎節，制有壇同墟。數備禮登，以有宗廟。作廟天都，以致其孝。右祖左孫，爰

饗其報。云誰無子，其有無孫。克對無羞，乃惟有人。念昔平盧，爲艱爲瘁。大夫承之，

危不棄義。四方其平，士有怠息。來覲來齋，以饋黍稷。

【用師於恆】元和五年三月，成德節度使王士真卒，其子承宗自爲留後，帝欲革河北世襲之弊，慮從史時爲昭義節度使，遭父喪

因左軍中尉吐突承瑊說，請發本軍討承宗，由是復起從史，委其成功，十月，詔削奪承宗官爵，以承瑊爲招討宣慰使，命恆州四面藩鎮

各進兵共討。〔陰與寇連〕從史陰與王承宗通謀，裴洎言從史必爲亂，承宗乃召從史入營與博，伏壯士禽縛之，馳詣京師，貶爲

鹽州司馬。〔烏重胤〕字保君，張掖人。〔張掖郡〕今甘肅張掖縣。〔常伯〕謂王部尙書。〔三室同字〕同字，謂上同

下異也。後漢以來，公私廟制，皆爲同堂異室。〔世本〕十五卷，錄黃帝以來帝王諸侯伯卿大夫系氏名號。〔姓苑〕十卷，何承天

作，崔日用又有姓苑略一卷。〔存〕〔左昭〕萬子庚與，唐而好劍，烏存率國人逐之。〔餘枝鳴〕〔左襄二十四年〕齊人城郟之歲，

其夏，烏餘以慶丘奔晉。〔昭二十一年〕冬十月，華登以吳師救華氏，齊烏枝鳴戍宋。〔獲〕秦武王時，有力士任鄙烏獲。〔鄆陽〕

今江西鄆陽縣。〔家張掖〕張掖烏氏，後魏烏洛侯之裔，貞觀初，貢獻內屬，代爲功臣。〔承毗〕字德潤，重胤父。〔奚契丹〕

唐時北狄有五種，契丹、奚、室韋、黑水、渤海，奚本東胡種，爲匈奴所破，保烏桓山，即今熱河之承德灤平豐寧平泉諸縣地。契丹亦東胡種，

初時甚微，保潢水之南，黃龍之北，後破奚，渤海，侵室韋，女真，取突厥故地，遂改號曰遼。〔可突干〕契丹將，奚契丹入寇，承玘破於

捺祿山，又戰白城，承玘按隊出其右，斬首萬級，可突干奔北。〔渤海〕國名，靺鞨人大祚榮所建，其子大武藝以後，拓境日廣，奄有松

花江以南，迄日本海之地，渤海王武藝出海濱至馬都山，屠陷城邑，承玘以本營士馬防遏要害。〔黑水室韋〕二國名，黑水即靺

鞨，今黑龍江地。室韋爲四丹別種，在今蒙古東境黑龍江北境一帶。〔史思明降復叛〕至德二年，安慶緒兵敗，走保都郡，史思

明判官耿仁智，說思明歸唐，思明然之，以所部十三郡及兵八萬來降，已而思明內通賊，上以承恩爲河北節度副大使，使圖思明，事洩，

承恩父子及支黨皆被殺。〔李光弼〕營州柳城人，爲唐名將。

# 新修滕王閣記

愈少時，側聞江南多臨觀之美，而滕王閣獨爲第一，有瑰偉絕特之稱，及得三王所爲序賦記等，壯其文辭，益欲往一觀而讀之，以忘吾憂。繫官於朝，願莫之遂。十四年，以言事，斥守揭陽，便道取疾，以至海上，又不得過南昌，而觀所謂滕王閣者。其冬，以天子進大號，加恩區內，移刺袁州。袁於南昌爲屬邑，私喜幸自語，以爲當得躬詣大府，受約束於下執事，及其無事且還，僮<sub>同</sub>得一至其處，竊寄目償所願焉。至州之七月，詔以中書舍人太原王公爲御史中丞，觀察江南西道，洪江、饒、虔、吉、信、撫、袁，悉屬治所。八州之人，前所不便及所願欲而不得者，公至之日，皆罷行之。大者驛聞，小者立變。春生秋殺，陽開陰閉，令修於庭戶數日之間，而人自得於湖山千里之外；吾雖欲出意見，論利害，聽命於幕下，而吾州乃無一事可假而行者。又安得捨己所事，以勤館人，則滕王閣又無因而至焉矣！其歲九月，人吏<sub>切</sub>、<sub>協</sub>、和，公與監軍使燕於此閣，文武賓士，皆與在席。酒半，合辭言曰：「此屋不修且壞，前公爲從事此邦，適理新之，公所爲文，實書在壁；今三十年而公來爲

邦伯適及期月，公又來燕於此，公烏得無情哉！公應曰：諾。於是棟楹梁桷板檻腐黑撓折者，蓋瓦級甄之破缺者，赤白之漫漶虎玩切不鮮者，治之則已，無侈前人，無廢後觀。工既訖功，公以衆飲，而以書命愈曰：「子其爲我記之。」愈既以未得造觀爲歎，竊喜載名其上，詞列三王之次，有榮耀焉；乃不辭而承公命。其江山之好，登望之樂，雖老矣，如獲從公遊，尙能爲公賦之。元和十五年十月某日，袁州刺史韓愈記。

【滕王閣】唐顯慶四年滕王元嬰都督洪州時建，在江西新建縣西章江門上。明景泰中，重構在章江門外，額曰西江第一樓，成化間葺，復曰滕王閣。後再燬，清康熙中復建，凡三建焉。

【揭陽】唐之潮州，漢南海揭陽地，愈以諫憲宗迎佛骨，以刑部侍郎貶潮州刺史。

【南昌】今江西南昌縣，唐洪州治此。

【袁州】治今江西宜春縣。

【太原王公】名仲舒，字弘中，并州祁人。元和十五年六月，以中書舍人出爲洪州刺史，御史中丞，充江西觀察使。

【洪江饒虔吉信撫袁】洪袁州見上，江州治今江西九江縣，饒州治歙陽縣，虔治贛縣，吉州治吉安縣，信州治上饒縣，撫州治臨川縣。

【浹和】猶和洽也。

### 科斗書後記

科斗文，謂倉頡古文，其字頭粗尾細，似科斗之蟲，故俗名之。

伯。【漫漶】敝壞不可辨也。



愈叔父當大歷世，文辭獨行中朝，天下之欲銘述其先人功行，核孟取信來

世者，咸歸韓氏。於時李監陽冰，獨能篆書，而配叔父，擇木善八分，不問可知其人；

不如是者，不稱三服，故三家傳子弟往來。貞元中，愈事董丞相幕府於汴州，識開

封令服之者，陽冰子，授余以其家科斗孝經，漢衛宏官書兩部，合一卷，愈寶蓄之，

而不暇學。後來京師，為四門博士，識歸公，歸公好古書，能通之。愈曰：「古書得其

據依，蓋可講。」因進其所有書屬歸氏。元和來，愈亟去夾不獲讓，嗣為銘文，薦道

功德，思凡為文辭，宜略識字，因從歸公乞觀二部書，得之，留月餘，張籍令進士賀

拔恕，寫以留愈，蓋得其十四五，而歸其書歸氏。十一年六月四日，右庶子韓愈記。

【叔父】名雲卿，叡素子，仕終禮部侍郎。【大歷】代宗年號。【文辭獨行中朝四句】始田神功平淮碑，崔圓廟碑銘，二碑

並載姚鉉《唐文粹》。【李陽冰】陽冰字少溫，白之從叔，官至將作監，工篆書，舒元輿謂其書不減李斯。【擇木善八分】擇

木即李潮，代宗時官禮部尚書。杜市李潮八分歌云：尚書李擇木，騎曹察有碑，開元以來數八分。【董丞相幕】董丞相管，貞元中

鎮汴州，退之為之佐。【科斗孝經】魯共王壞孔子宅，得論語孝經，皆科斗文字。【衛宏】字敬仲，光武時為議郎，作漢舊儀四

篇，載西京雜事。【為四門博士】在貞元六年。【歸公】歸登字沖之，累官工部尚書，有文字，工草隸，嘗慕陸象先之為人，人亦

以爲近之。【張籍】字文昌，烏江人，第進士，退之薦爲國子博士。【十一年】元和十一年。【右庶子】古者天子有庶子之官，秦漢因之，置中庶子，六朝以後，遂爲太子官屬，隋改爲左右庶子，唐時分掌左右春坊，擬侍中中書令。

標商冊註

